



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonComercial
3.0 Unported (CC BY-NC 3.0) license.**

Դու կարող ես.


պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format


Adapt — remix, transform, and build upon the material

46PF



1887

~~1100a.~~
~~134~~ ~~Thom~~



AF 88 part I. 45

2010

ED 2001

28169
Խ-914
ՄՊ

ԽՐԻՍԵԱՆ

102



(ԽՄ ՅԻՇՈՂՈՒԹԻՒՆՆԵՐԻՑ)

ԿԵՆՍԱԳՐՈՒԹԻՒՆ

Հանդերձ յուսանկար պատկերով

—♦♦♦♦—

Գ Ր Ե Ց

ՑԻԳՐԱՆ ՓԻՐՈՒԽԵԱՆՑ

5
000
213997



Տպարան Մովսէս Վարդանյանի

38615-նի

Հ Ա Յ Ս Կ Ա Ն

Դօզ. Պենզ. Տիֆլիս, 1887 թ. 29-ը Օկտյաբրյա.
Տիպ. Մ. Վարդանյանց, Տրոյց. թ. ճ. № 11.

(ՑՐԱՄԱՆ ՓՈՓՈՂ ԹՈՅԻՑ ՄՈ)

ՎՐԱ Ա Յ Ս Կ Ա Ն Հ Ա Յ Ս Կ Ա Ն

Հ Ա Յ Ս Կ Ա Ն Հ Ա Յ Ս Կ Ա Ն

Հ Ա Յ Ս Կ Ա Ն

Հ Ա Յ Ս Կ Ա Ն Հ Ա Յ Ս Կ Ա Ն

Սոյն գրուածքից հատուածներ արտատպել դասագրքերի
մէջ կամ գրքոյկն ամբողջովին թարգմանել որեւէ լեզուով—
վերապահուած է հեղինակին:

Տ. Փ.

Հ Ա Յ Ս Կ Ա Ն Հ Ա Յ Ս Կ Ա Ն

21864-60

2012

ԽՐԻՄԵԱՆ ՀԱՅՐԻԿ

Ա.



ԹԻՄԵԱՆ ՀԱՅՐԻԿԻ անունը, սիրելի ընթերցող, գլուխատ ես լսել ես, որ այդ Տաճկաստանցի եպիսկոպոսը մի պահապան հրեշտակ է իր ժողովրդի համար: Դու լսել ես, որ նա Պատրիարք էր մի ժամանակ Կոստանդնուպոլսում: Դու լսել ես, որ վերջին Ռուս—Փիւրքական պատերազմին նա մի պառյուտ արեց Եւրոպայում: Դու լսել ես վերջապէս, որ նա մօտ երկու տարի առաջ թիւրք կառաւարութեան հրամանով կ. Պօլիս տարուեցաւ եւ այժմ արգելուած է նրան իւր սիրած գաւառները ոտք կոխել:

Այս ամէնը, ընթերցող, յուսամ թէ լսել ես, բայց չեմ կարծում, որ շատ տեղեկութիւն ունենաս այդ մեծ հայրենասէրի եւ առաքինի հոգեւորականի ժողովրդականութեան, ընաւորութեան, սովորութեանց ու մասնաւոր կենցաղավարութեան մասին: Իսկ այդ բաները՝ գիտեմ որ շատ հետաքրքիր են քեզ, ուստի եւ թող իմ պարտք լինի մատուցանել քեզ այդ ծառայութիւնը, զի ես բաղդ եմ ունեցել նրա մօտիկ ծանօթներից մէկը լինելու Վանայ մէջ (*):

(*) Սոյն գրքոյկը կազմուած է մեր հասարակ ժողովրդի համար: Եթէ սա ընդունելութիւն գտնէ, միտք ունիմ հրատարակել նրա համար էժանագին գրուածքներ, նիւթ առնելով Տաճկաստանի և Ռուսաստանի հայոց կեանքից:

Տ. Փ.

Ակսենք Խրիմեան Հայրիկի դէ մքից: Ընթերցող, դու գիտես, որ ոչինչ կատարեալ չէ այս անցաւոր ու փուճ աշխարհում. . . թողնենք հազարաւոր օրինակները եւ շատանանք մէկով: Քանի՛ անգամ «ախ» ես քաշել, թէ ի՞նչու ֆլամ մարդը այնչափ խելօք, ուսեալ է, բայց չունի նրա համապատասխան սիրտ, խիղճ, մարդկութիւն: Ո՞րչափ ցաւ ես զգացել, դրա հակառակ, երբ տեսել ես շատ բարի ու աղնիւ մարդիկ, բայց զուրկ խելքից ու խոհեմութիւնից: Քանի՛ քանի՛ գեղեցիկներ՝ թէ մարդ՝ թէ կին՝ հրապուրել, յափշառակել են քեզ իրենց սիրուն աչքունքով, երեսի ներդաշնակ ու զմայլեցուցիչ գծերով, «Աստուծոյ հոգի կայ սրանց երեսներին» —մտածել ես դու, բայց չէ անցել միքանի օրու գու զզուանքով աղասել ես նրանցից օձիքդ եւ նզուիլ նրանց անագնութիւնը, կեղաստութիւնը, տգիտութիւնն ու յիմարութիւնը. . . Ուրեմն մի կողմից խելք՝ առանց ազնութիւնն առանց գեղեցիկութեան, միւս կողմից ազնութիւն՝ առանց գեղեցիութեան, երրորդ կողմից գեղեցիկութիւն, սիրունութիւն, բայց առանց հոգու եւ բանականութեան... Ի՞այց կայ նոյնպէս մարդոց միջորրորդ տեսակը... եւ ջուրն եկել, տարել է այդ թշուառականներին: Խրանքք այն ծանօթներն են, որոնց մէջ դու բնաւ մի արժանիք չես նկատել եւ որոնք ասլրում են մեր մէջ ոչ իրեւ մարդ, այլ՝ մեղայ Աստուծոյ —իրեւ անբան ու գազան. . . Իու տեսնում ես այս ամէնը, սիրութկածում է մարդոց պատուհանների, բնութեան խաղերի վրայ խոկալով եւ ձանձրանում, յուսահատում ես աշխարհից. . . : Համբերիք, ով սրտնեղ արարած, —լում ես դու մի անծանօթ ձայն եւ մի անտեսանելի ձեռք բռնում է պինդք ձեռքից:

Յետ ես նայում եւ ինչ տեսնում: — Իու տեսնում ես քո առաջ մի խումբ մարդիկ, որ նայում են քեզ որպէս մարմնացեալ աղնութիւն, բարութիւն, կարեկցութիւն, խելք,

տաղանդ, հանճար, գեկեցկութիւն, այո՛, մի հրեշտակային գեղեցկութիւն: Դրանք, այդ կատարեալ մարդիկը, իմ սիրելի ընթերցող, մեր ԽՄԻՄԵԱՆ ՀԱՅՐԻԿՆերն են: Դրանք կան եւ ապրում են թէ մեր աշխարհական եւ թէ հոգեւորական դասերում: Դրանք մեզ պէս սովորական մահկանացուներ չեն: Դրանք զգում են քարշ գալ մեր ցեխի, թուլութեանց ու ապիկարութեանց մէջ: Կարծես մի անտեսանելի ոյժ պահում է դրանց եթերի մէջ այնպէս, որ ոտները մեր կեղտոտ գետնին ըլ դիպցնեն, որպէսզի աւելի բարձր լինելով, դիտելի լինեն մեր ամէնիս աչքերին: Որպէս զի աւելի պարզ ու որոշ տեսնելով նրանց ամբողջ էութիւնը, հետեւող լինինք նրանց գործոց, բնաւորութեան ու վարքին եւ ընթենք Հայ ճակատից այն թանձր մուրը, որ ժամանակն ու հանգամանքները դրոշմել են այնտեղ: Եւ այդ է թերեւս Ս.մենակարողի անհասանելի կամքը, որ չէ զրկել իր ժողովրդին այդ բաղմաշխատ պահապան հրեշտակներից:

Գալով հիմայ մեզ զբաղեցնող անձին, իսկական Խրիմեան Հայրիկին եւ նախկին Պատրիարք՝ Մկրտիչ արքեպիսկոպոսին՝ նա իր վեհ աղնաւութեան, հանճարի ու տաղանդի հետ օժտուած է նա եւ մի այնպիսի մարմնական գեղեցկութեամբ ու վայելակաղմութեամբ, որ շատ հազուագիւտ է մարդոց մէջ: Խրիմեան Հայրիկը աշխարհի ամենագեղ է տղամարդերից մէկն է: Բնութիւնը չէ զլացել շոայլել իր բոլոր ճարտարարուեստ ձիրքերը այդ հսկայի դէմքը կոփելու, ձեւելու, նկարելու ու քանդակելու համար: Լոյսը թափել է նրա վրայ իր գրաւիչ գոյները՝ նրանից մի հրաշակերտ դուրս բերելու համար: Մեր նախահայր Տորքը տուել է նրան իր վիթխարի հասակն ու ոյժը՝ իր սերունդը ըլ պառելու համար: Աստուած փշել է նրա աչքերին իր օրհնեալ հոգին, աշխարհի ու զքը դէպի նա ձգելու համար: Եւ օրհնեալ է Աստուած:

Բայց ցաւալին ու աւաղելին այս է, ընթերցող, որ դարուա լուսանկարչութիւնը, ֆօտոգրաֆիան անզօր ու ապիկար է եղել Խրիմեան Հայրիկի գէմքը թղթի վրայ դրոշմելու: Նրա լուսանկար պատկերները բնաւ նման չեն խևականին. Հայրիկի ստուերն են միայն նրանք, նրա վէհ գէմքի յանդուգն աղճատումն են նրանք: Ես բողոքում եմ լուսանկարների այդ անշնորհքութեան գէմ ու պահանջում կատարելագործել իրենց գործիքները: Բայց մինչեւ որ նրանք ընկնեն իրենց պարագաները շտկելու յետեւից, արի, ընթերցող, գնանք միասին վան ու մտնենք Հայրիկի սեպհական տունը: Վնաս չունի թէ նա բացակայ է իր սենեակից. այնտեղ մենք կը գտնենք մի ուրիշ Հայրիկ, յար եւ նման խևականին, ճիշտ մի կը բռուած ձմերուկ: Այդ եր կը որ դ Հայրիկը պատից կախուած մի պատկեր է, որ ներկայացնում է խևական մեծութեամբ Խրիմեանի կիսարձանը (բիւտոր), այսինքն գլխից մինչեւ կը ըրծքի տակը: Նա նկարուած է հասարակ ձեռքով եւ չունի իր վրայ ուրիշ ներկ, բացի սեւ մելանից: Կը հաւատաս, ընթերցող, որ այնքան նմանութիւն, արտայայտութիւն ու կենդանի հոգի կայ այդ պատկերի մէջ, որ յանկարծ ու անուշադիր արդ սենեակը մտնելով, դիմում ես գէպի այդ թըրթի մարդը ու պատրաստում նրա «աջն առնելու»... .

Ո՞վ է շինել այդ հրաշակերտը:

Լսիր ընթերցող: Խնչպէս ամէն տեղ, այնպէս էլ Կ. Պօլսում, Խրիմեան Հայրիկը, իր խոշոր բարեմասնութիւններով, դարձել է միշտ երկրպագութեան առարկայ բոլոր զգայուն ու ազնիւ մարդոց: Նա խենթի պէս պաշտուել է մանաւանդ նորատի երիտասարդների ու օրիորդների կողմից, որոնց սիրտը կայտառ, զգացումները՝ թարմ ու վսեմ են լինում: Նրա անզուգական գեղեցիկութիւնը չէր կարող աւելի խոր արմատներ չը ձգել մանաւանդ իգական սեռի ներկայացուցիչների մէջ ու գրգռել Բիւգանդիօնի աշխոյժ աղջիկների վարվուն,

սուրբ ու պղատօնական սէրը: Ուրեմն հարիւրաւոր պարկեշտասուն, ազնուատոհմու գիտուն օրիորդներ պատրաստ էին իրենց գլուխը դնել Հայրիկի մէկ եղունդի համար: Եւ այդ սիրահարութիւնը կրում էր այն Սատուածային կնիքը, որով կապուած են այսօր մեր եկեղեցին ու Տէր Յիսուս Քրիստոսը, որոնք, այսինքն եկեղեցին ու Քրիստոսը «Հարս ու փեսայ» են համարում իրար:

Այդպիսի յարգելի օրիորդներից մէկը, որ բաւականին վարժ է լինում նկարչութեան մէջ, կամենում է անվատճառ մի մեծ նույն տալ իր սիրոյ առարկային: Բայց որովհետեւ նա չէ գտնում աշխարհի մէջ ոչինչ այնքան թանկ ու ազնիւ պարզեւացու, որքափ ինքը Հայրիկն է, — նա վճռում է նույն երեխ այդ չքնար առարկան, այսինքն Հայրիկը, նոյն խակ իրեն, Խրիմեան Հայրիկին... . Մի զարմանար, ընթերցող: Օրիորդը տաղանդաւոր էր եւ ներշնչուած մի ինչոր անհասկանալի զօրութեամբ: Նա առնում է իր ձեռքը մի երկաթի հասարակ գրիշ ու թանաք, նատում է իր սիրածի դիմաց ու շունչ փչում այդ թղթի կտորին... . Պատկերը ներկայացնում է Խրիմեանին նատած գիրքով (թէեւ մինչեւ կուրծք), բաց ու չերարձակ գլխով: Երեւում է, որ այդ միջողին նա մտիկ է անում մէկ խօսող մարդու ու թափանցում իր քնքոյշ աչքերով նրա ուղեղում: Այդ վսեմ աչքերի մէջ կարելի է կարգալ մտքերի մի անտակ ծով, որ չունի նոյնպէս ծայր ու վերջ: Մի վսեմ զուարթութիւն փայլում է նրա ճակատին, գէմքն համայն շողջողում է ժափիտով, ծամերն ու մօրուքը նոր են ապիտակին տալիս: Գոչ է մնում օրիորդը իր արտադրութեամբ եւ մատուցանում այդ անգին ու միակ առարկան իր պաշտելիին: Պատկերը քաշուած է մօտ 15 տարի սրանից առաջ, Խրիմեանի պատրիարքութեան օրով եւ ցայսօր յարգանօք պահւում է նրա առանձնանասենեակում: Բայց ինչ պատկեր. Հրաշակերտ է, ասում եմ: Եւ հրաշակերտ է, որովհետեւ կա-

տարելապէս նման է Հայրիկին: Եւ մէրն է որ գործել է տալիս մարդոց շատ հրաշքներ: Մանաւանդ Հայ աղջկայ բոցավառ մէրը:

Յուսով եմ, թէ այդ նկարը կ'դառնայ ժամանակով մեր պատկառելի հնութիւններից մէկը:

Կարծում եմ, ընթերցողը բաւական գաղափար ստացաւ Հայրիկի արտաքին տեսքի վրայ: — Նա մի յաղթանգամ, բարձրահասակ, լեցուն երեսով ու ալեխան մօրուքով մարդ է: Աչքերը հեզ են ու փեմ, խոշոր ու թուխ, փայլուն ու քընքոյց: Սպիտակ երեսը երեւմն փոքր ինչ կարմրին է տալիս, բայց մի անշմարելի գալուկ ծածանում է անսպառ նրա դէմքի վրայ: Ո՛չ, Հայրիկի ամենօրեայ թախիծն է այն: Այդ թախծութիւնը սովորական տեսակից չէ. նա յատուկ է աշխարհի հազուագիւտ մարդոց մի փոքրիկ խմբին: Եւ այդ թախիծն է, որ այնքան գեղեցկութիւն ու փեմութիւն է տալիս Հայրիկի մշտագուարթ դէմքին: Լուրջ բաների վրայ խօսելիս, նա սովորութիւն ունի թեթեւ կերպով կոպերը իջեցնել բիբերին ու էլի յետ բարձրացնել: Եւ այդ էլ պատճառում է դիտողին ըլ գիտեմ մի ինչ որ անբացատրելի հրապոյր: Աերջապէս նրա դէմքի ամբողջութիւնը այնպիսի մի տալաւորութիւն է թողնում քեզ վրայ, որ գու կը համաձայնէիր տաս տարի առանց հացի ու ջրի մնալ, միայն թէ նրա երեսից աչքերը չը հեռացնէիր:

Ուր որ Հայրիկը նստած լինի, կուլէ թող հազար մարդու մէջ լինի, ամէնի հայեացքը դէպի նա են ուղգուամ: Կարծես նա մի արեգակ է, որ ծածկում է մեր աչքից երկնքի միա լուսաւորները:

Երբ նա անցնում է փողոցում, այնպիսի մի փայլ է տալիս իր հասակով, քալուածքով ու դէմքով ամբողջ հրապարակին, որ ծանօթ թէ անծանօթ, հայ թէ տաճիկ, քիւրդ թէ եղբդի ակամայ կանգնում, քար են կտրում իրենց ճա-

նապարհին, որպէս զի փոքր ինչ աւելի զմայլին ու հրճուին այդ պատկառելի անցորդով:

Տայ Աստուած, ընթերցող, որ ամէնքդ էլ արժանանաք այդ մեծ մարդու տեսովթեան:

Բ.

Վ Պ Յ Ր Ի Կ. . . Այս անունը բաւական է արդէն համանալու, թէ ինչ սրտի ու ծնողական գորովի տէր է Խրիմեանը իր ժողովրդի համար: «Հայրիկ» տիտղոսը նա կրում է երեսուն տարուց ի վեր եւ այդ առանց պատճառի չէ: Եւ նա հայրիկ է, ոչ միայն իր հայրենակից Վանցիների, այլ համայն Տաճկահայերի:

Երբեք չեմ մուռանայ մի սրտաշարժ տեսարան, որ տեղի ունեցաւ մօտ երկու տարի առաջ: 1885-ին, Ապրիլի 12, նա պէտք է թողնէր, կառավարութեան հրամանով, Վանը ու գնար Կ. Պօլիս: Առաջնորդարանի մէջ խմբուած էին բոլոր երեւլիներն ու սահմանագրական ժողովի անդամները: Հայրիկը պիտի տար նրանց իր վերջին հրաժէշտը: Կրօնական ժողովի ատենապետ հայր սուրբը մի սրտառուց ճառով խոր վշտեր էլ յայտնում ժողովրդի կողմից ու շարունակ շեշտում, թէ մեծ սուր պէտք է պահեն իրենց իննամատար հօր, անձնուրաց Հայրիկի բացակայութեան համար: Յանկարծ վեր թաւաւ տեղից եւրոպական տարազով հագնուած մի երիտասարդ: Դա Վանայ հայ բողոքականների քարոզիչն էր: Մի անախորժ զգացում տիրեց ամէնքին. բոլորն էլ համոզուած էին թէ մի կրօնական անհամ վիճաբանութիւն պիտի բանայ այդ «աւետարանական»-ը: Ուշադրութիւնները լարուեցան եւ գահլիճի մէջ շնչառութիւն չէր լառում: — «Ես բոլոր սրբառով բողոքում եմ, — ասաց մի հանդիսաւոր ձայնով պ. բողո-

քականը — ատենախօս հայր սուրբի խօսքերի դէմ: Նորին պըր-
բովիմը ճգնում է ցոյց տալ, թէ Խրիմեան սրբազնը մի
միայն Վանցիների «Հայրիկն» է... Նատ սխալ է այդ. եւ
կարծում եմ, որ այդ խօսքերի դէմ պիտի բողոքէ ամբողջ
Տաճկաստանը... Իբրեւ Խարբերդցի հայ եւ մանաւանդ բո-
ղոքական հայ, իրաւոնք եմ համարում ինձ յայտնել ճեզ, որ
իմ հայրենակիցները շատ աւելի սիրում ու «իրենց» Հայրիկ
են համարում Խրիմեանին, քան Վասպուրականցիքդ: Յոյս ու-
նիմ, թէ համայն տաճկահայերը բողոքում են այսօր իմ բե-
րանով ատենախօս հայր սուրբի դէմ... Խրիմեանը, կրկնում եմ,
համայն տաճ կահայ երի Հայրիկն է:»)

Օդը թնդաց ծափահարութիւններով եւ կրօնական ժո-
ղովի ատենապետը ստիպուեցաւ յետ առնել իր խօսքերը:
Բայց խեղճ «աւետարանական» ին էժան չը նատաւ այդ
սրտի զեղմնւնքը: Իր Վանցի հաւատակիցները փոքր ինչ ան-
վաստահ աչքով էին նայում նրան եւ քիչ էր մնացել որ ա-
մերիկական միսիոնարը պաշտօնանկ ամէր նրան:

Փ.

Վանցիք չեն թողնում, որ Խրիմեանը մի օր հանգիստ
նստի իր տան մէջ:

— Հայրիկ, հինգ տարի է էրիկս (մարդա) Ստամբուլ է,
ոչ փող է ուղարկում մեզ, ոչ նամակ: Ոտիդ դուրբան լինեմ,
մէկ նամակ գրիր նրան, որ ճար անի մեզ... .

Հայրիկ, էրիկս շարունակ հարբած է տուն գալիս,
մեռ մանիդ, մէկ խրատ տուր նրան... .

— Հայրիկ, որդիս Ստամբուլ եմ զրկում, որ փող վաս-
ուկի, տէր էլ չունի, որ ճամփու ծախս գտնի... .

— Հայրիկ, գնում եմ Ստամբուլ... .

— Մի գնա, ինչու ես գնում: . .

— Զեմ կարող էստեղ շահուել, գործ չ'ունիմ, մի նամակ
տուր ձեռքս, որ Պօլիս օգնեն ինձ, տեղ ատն:

— Հայրիկ, Կանդոյենց գործարանից ինձ վրնտեցին,
հացի պատառ չունիմ, խնդրիր էդ մարդուն որ էլի ինձ
ընդունի, Աստուած քեզ արեւշատութիւն տայ... .

— Հայրիկ, Եղօրիցո բաժնւում եմ, ի սէր Աստուծոյ մէկ
էդ անամօթին խրատիր, որ արդարութեամբ վարուի հետս... .

— Հայրիկ, գործ չունիմ, տեղ գտիր ինձ համար... .

— Հայրիկ, ապրուստ չունիմ, որբերի տէր եմ... .

— Հայրիկ, ուստայ Թորոսը հախս կտրեց, տաս օր նաւ-
քաշութիւն եմ արել նրա տանը... .

— Հայրիկ, մեր տէրտէրներից մէկը ամէն օր ժամ չէ
գալիս, էդ ինչ անսասուածութիւն է: . .

— Հայրիկ, մեր տէրտէրը բամբասում է ամէնքիս, խր-
ուսվութիւն է գցում մեր մէջ... .

— Հայրիկ, Նորաշէնի վարժարանից հանեցին ինձ, իմ
աեղ մի որիշ անպիտան վարժապետ բերին. կամ էդ մար-
դուն հեռացնել տուր այնտեղից կամ որիշ տեղ գտիր ինձ
համար... .

— Հայրիկ, մեր Թաղականները (հոգաբարձուները) մեզ
շատ են վիրաւորում, մենք էլ ինչ վարժապետ ենք, որ աշա-
կերտների առաջ ամէն օր խայտաւակվում ենք նրարցից... .

— Աման, Հայրիկ, եօթ ամիս է ուռիկ չեմ ստացել, որ-
դիքս անօթի են, էլ ինչ սրտով դաս տամ աշակերտներին,
որ գիշերներն անքուն եմ անցկացնում: . .

— Հայրիկ, մեր նոր վարժապետների ձեռք կրակ ենք
ընկել, էլ ուր մնաց մեր աղայութիւնը, իշխանութիւնը... .
Թաղականը որ չը կարողանայ մէկ «չոր» ասել վարժապետ-
ներին, էլ ինչու համար ենք էսքան փող ծախսում վարժա-
պետների համար... .

— Հայրիկ, ուզում ենք կիրակոս վարժապետին դուրս
անել, Աստուած սիրես մուղայիթ կաց, որ խռովութիւն չը
հանի ժողովրդի մէջ. . .

— Հայրիկ, Ժամուղները գանձանակ փող չեն գցում,
քահանաներիս վիճակը մշակիցն էլ վատ է, մէկ քարոզ խօ-
սիր, որ փող շատ տան. . .

— Հայրիկ, մեր ուսումնարանի աշակերտները թոշակն
ուշացնում են, մէկ ատենախօսութիւն արա եկեղեցում, որ
մեր հայվան ծնողները իբենց պարտքը ճանաչեն. . .

— Հայրիկ, կիրակի օր իմ դպրոցում հանդէս կայ, դու
որ չը գաս ու ատենախօսութիւն չ'անես՝ փող քիչ կ'հաւաքուի...
Դիտես որ իմ դպրոցը՝ մասնաւոր դպրոց է, ես էլ աղքատ
եմ, պարտատէրերս խեղդում են ինձ. . .

— Հայրիկ, մի հրաւեր ուղարկիր Ուռասաստանի եւ Պօլ-
սոյ լրագիրներին, որ նուէրներ հաւաքեն դպրոցիս համար,
իմ դպրոցը ֆլանի դպրոցի պէս չէ, ես լաւ աշակերտներ եմ
պարտատում, նոր մեթողներով եմ կրթում. . .

— Հայրիկ, ուզում եմ գնալ Ուռասաստան Ժաղովարարու-
թիւն անելու, սուրբ կարգ վկայ, որ մեր գիւղ երեք քահա-
նայ կայ, բայց եկամուտ չունինք, իրարու միան ենք ուսում. . .

— Հայրիկ, ֆլան քահանան ինձ հետ թշնամութիւն ու-
նի, ժողովրդին մատ է տալիս, մենք կարգակից եղբայրներ
ենք, ինչու պէտք է այնպէս անի. . .

Հայրիկ, ես իմ ընկեր վարդապետների հետ ապրել չեմ
կարող, մի վանք տուր ինձ, վանահայրութիւն անեմ. . .

— Հայրիկ, ֆլան վանքը ձեռքից առին, մէկ ուրիշ վանք
տուր ինձ. . .

— Հայրիկ, մեռնենք արեւիդ, մեր գեղի ու սը (տանու-
տէրը) տներս քանդեց, թուրքը չի անի մեզ հետ, ինչ նա է
անում. . .

— Աման, Հայրիկ, ուսացդ հողն ենք, Կարապետ Հայր

սուրբեց կանաս աղատել մեզ. . . Նա որ գալիս է մեր գիւղ,
լուպկում է (կողովուում է) ամէնիս. . . Էլ ջան չէ մնացել
մեր մէջ. . .

— Հայրիկ, ողորմութիւն տուք. . .

— Հայրիկ, հաց. . .

— Հայրիկ, հալաւ. . .

— Հայրիկ, հիւանդ եմ. . .

— Հայրիկ, հոգու տ մեռնեմ. . .

Պ.

Անցնենք ՎԱՐԱԳԱՅ Վանքը:

Հայրիկը շաբաթը երեք, չորս օր անց է կացնում այս-
տեղ, որ քաղաքից երկու ժամ միայն հեռու է: Նա շատ ան-
գամ ուզում է հանգիստ գտնել այստեղ նաև մի քանի աներես
ձանձրացնողներից:

Բայց կարելի՞ բան է Հայրիկին հանգիստ թողնել:

— Հայրիկ, ճամբորդ եմ, Մշից նոր եմ եկել, մէկ երկու
շաբաթ ուզում եմ այս վանքումն ապրել. . .

— Հայրիկ, քաղաք նոր շինած տունս վարձու եմ տուել,
կը թողնես մէկ ամսով ընտանիքս բերեմ այստեղ. . .

— Հայրիկ, աղքատ գիւղացիք են եկել, ցորեն են ուզում. . .

— Հայրիկ, վանքի հովինները ուռիկի են ուզում. . .

— Հայրիկ, կամ ամսականս տուէք, կամ մի բան արէք,
քաղաքից գալիս եմ էստեղ դասեր տալու, ախր ես էլ մեղք եմ. . .

— Հայրիկ, վանքի աղքատները շոր չունեն. . .

— Խրիմեան է վիճակի հազրէթլերի—մօտենում է ակնա-
ծութեամբ ոստիկանը—Վալի փաշան (նահանգապետը) բա-
րեւում է Զերդ Սրբազնութեան եւ խնդրում վճարել վանքի
տուրքերը. . .

— Հայրիկ, վանքի ցորենը պակսել է, պէտք է մի քիլայ (մօտ 30 պուդ) փոխ առնել գիւղերից. . .

— Հայրիկ, մի ինչ որ անծանօթ մարդ է եկել, ուղում է տեսնել քեզ. . . (Անծանօթ մարդը լինում է միշտ Ռուսաստանի կողմերից եկած):

— Հայրիկ, Փլան աղան բարեւում է քեզ, ասում է թէ հարսանիք ունինք, շնորհ ընթեք մեր տուն. . .

— Հայրիկ, Փլան դպրոց տարեկան քննութիւն է, խճդրում ենք պատուել մեղ. . .

Ե.

ԱՆԳԻՆՔ ԿՈՍՑԱՆԴՆՈՒՊՈԼԻՍ:

— Հայրիկ, այսօր քառասուն նոր պանդուստ են եկել գաւառներից. . .

— Հայրիկ, Փլան թաղի մէջ մեր պանդուստ մշակներից մէկը մեռել է. . .

— Հայրիկ, գործերս անյաջող են գնում, տղաներս մեր գիւղում անտէր են մնում, քանի մի զրուշ տուր, հաշցնեմ. . .

— Հայրիկ, ամաջում եմ ասել, մէկ տարի է՝ եկել, պարապ ընկած եմ այստեղ, մի քիչ փարայ տուր, կաշխատեմ, կը վճարեմ քեզ. . .

— Հայրիկ, Փլան ամիրայի, վաճառականի, արհեստաւորի մօա տեղ կայ, խնդրիր որ ինձ տան. . .

— Հայրիկ, մեղայ քո առաջ, գլուխ կոտրուէր ըլ գայի էս անտէր քաղաքը, ճամբու ծախս տուր, յետ դառնամ, կորչեմ էստեղից. . .

— Աման Հայրիկ, ճամբու ծախս. . . Քանդուի՛ Ստամբուլ շինողի հօր գեօռը. . .

Պ.

Եթէ մենք անցնէինք ՎԱՍՊՈՒՐԱԿԱՆԻ գիւղերն ու Տաճկաստանի շաա հեռաւոր նահանգները, նոյն բանը պիտի տեսնէինք, ընթերցող: Ամէն տեղ Հայրիկը՝ Հայրիկ է եւ ոչ ոք չէ քաշւում նրանից, Հայրիկի խորթ որդին չէ համարում իրեն: Նա ամէնքի Հայրիկն է: Եւ շատ քիչ տեղ կարելի է գտնել Թիւրքիայում, ուր ոտք կրխած ըլ լինի նա:

Պէտք է զարմանաս, ընթերցող, թէ ինչ աներեսութիւն է մարդոց կողմից՝ այդչափ գլխացաւանք տալ խեղճ Հայրիկին եւ արդեօք կարողանում է նա գոհացում տալ բոլորին:

Ի հարկէ որչափ էլ մարդիկ աներես լինեն, ախր էլի նրանց երեսը միիցն է շինուած, պինձից խօ չէ շինուած: Եւ ինդրելը մէկ կը լինի, հազար խօ չի լինի: Բայց բանն այն է որ, նրանք գիտեն թէ միշտ երեսատեղ ունին Հայրիկի մօտ: Ել ինչ «Հայրիկ» է, որ երեսատեղ չունենան: Եթէ նրանք ըլ գան, օգնութիւն ըլ խնդրեն, իրենց վէրքերը ըլ բանան, — Հայրիկը կը նեղանայ: Այդ իրաւունքը տուել է նրանց Հայրիկը եւ նրա գուռը ամէն մարդու համար բաց է: Եւ ըլ կարծես, թէ այդ մարդիկը գալիս, ուզզակի ձեռք են պարզում նրան կամ թէ իրենց աղերսն ու սրտի ուզածը յանկարծ յայտնում: Ոչ: Նրանք ամենայն վստահութեամբ ու յուսալից մտնում են նրա սենեակը, համբուրում են անձկանօք նրա սուրբ ձեռքը եւ նստում ուրախ նրա գիմաց: Հայրիկը ինքն է սկսում հարցնել նրանց քէֆը, հանգամանքները, պարապմունքը, յաջողութիւնը, որդիքը եւ այլն: Կարօտեալը սիրտ է առնամ ու բաժանում նրա հետ իր ուրախութիւններն ու ցաւերը: Ասում եմ «բաժանում» եւ այդ առանց պատճառի չէ:

Հայրիկը անկարող է չուրախանալ ու չոգեւորիլ մէկի յաջողու-



թիւնը լսելիս: Նա չէ կարող նոյնպէս տխրութեան մռայլ չը պատելիր զուարթ—մելամազդու երեսին, ուրիշի անյաջողութիւնը լսելիս: Այնպիսի մի կարեկից դիրք է բոնում նա, այնպէս է յարում իր սիրուն, ազնիւ աչքերը քո աչքերիդ, որ անկարող ետ զսպել քեզ ու չը հազորդել նրան քո ամէն մէկ վիշտը, թախիծը նոյն խակ սխանքերդ ու յանցանքներդ, եթէ մէկ մարդասապան էլ լինես: Այդ խոստովանանքով գութեթեւացնում ես սիրու ու մի մեծ ծանրութիւն ընկնում է այնտեղից. . .

Սյլ եւս չէ համբերում Հայրիկը, որ ինքդ բերան բանաս. նա խոստանում է ամոքել քո վիշտը, օգնութեան է համում, ազատում քեզ մտատանջութիւնից: Բայց զու ազատ ես, դու կարող ես ինքդ հրաւիրել ուղղակի նրա կարեկցութիւնը քո վրայ: Հայրիկը երբէք չի բարկանայ:

Բայց կան ի հարկէ, ընթերցող, եւ շատ պնդերեսներ, որ 'ի չարն են գործդնում Հայրիկի ներողամութիւնը եւ չեն դադարում իրենց անհատնում ու անհամ ցիգանութիւնից ու մորացկանութիւնից: Եւ այդ բանի մէջ առաջին տեղին են բոնում մանաւանդ Վասպուրականցիք, թերեւս կարծելով թէ աւելի մեծ իրաւունք ունին իրենց հայրենակցի վրայ:

Խեղձ Հայրիկ, կարծես մի մեծ յանցանք ես գործել, որ լոյս աշխարհ ես տեսել Վանայ մէջ:

Է.

Ի՞նչպէս է գոհացնում Հայրիկը իրեն դիմոգներին:

— Եթե մարդոց բաւական է լոկ Հայրիկի խարհուրդը, միջնորդութիւնն ու պաշտպանութիւնը, նա զոհում է նրանց համար իր բոլոր ժամանակը: Արդէն նրա բոլոր մտածումները

զրկեալներին ու կարօտեալներին օգնելու համար են: Մէկին նա տալիս է պէտք եղած խրատն ու հարանգը, միւսի համար նա դիմում է անձամբ զանազան մարդոց ու հաստատութեանց, երրորդի համար կանչել է տալիս իր մօտ պէտք եղած մարդիկը, չորրորդի համար՝ եթէ գործը հեռաւոր տեղում պիտի կատորուի: Նա գրում է իր ազգու ու հոգեշունչ նամակները... Եւ փոստային օրերին նա չունի մի ազատ բուպէ մարդոց հետ տեսնուելու. նա գրում է իր անթիւ ու բազմատեսակ նամակներն ու կարդում քառապատիկ թուռվ ստացածները: Նրանցից ոչ մէկում չէ կարելի գտնել մէկ տող իսկ, որ վերաբերէր Հայրիկի անձնական օգտին, բարեկեցութեան ու հաճոյքներին. նրանք բոլորն էլ մարդասիրութեան, Հարստահարեալներին ու կարօտեալներին օգնելու համար են: Նատ շատ՝ երախտագէտի մէկը միտն է բերել յայտնել նրան այդ թղթի կտորով իր շնորհակալութիւնը կամ թրջել է նամակն ծայրէ ի ծայր՝ գոհունակութեան արտասունքներով:

Բայց կան կարօտեալներ, որոնց անմիջական դրամական օժանդակութիւն է հարկաւոր, որպէսզի ըրմեռնեն անօթութիւնից, հիւանդութիւնից ու ապարդիւն պանդխտութեան սրտամաշ օրերից: Հայրիկը զոհում է այդպիսիների համար իր բոլոր նիւթական կարողութիւնը: Պատրիարքութեան միջոցին նա ունէր առատ ոռնիկ, իսկ 1883 թուից թիւրք կառավարութիւնը յատկացուցած է նրան, իբրեւ նախկին Պատրիարքի, 300 րուբլի ամսաթոշակ:

Այդ փողերը, մինչեւ վերջին կոպէկ, Հայրիկը ցրում է կարօտեալներին...

Հայրիկի գրապանում փող մնալ չէ կարող, նա թշնամի է փողին—այդ գիտէ համայն տիեզերք:

Իրիմեանի ներկայութեամբ մի անդամ՝ Պօլիս խօսակցութիւն կըքացուի Գրիգոր անունով մէկ շատ առատաձեռն մարդու վրայ: Հայրիկը պատասխան կատակով կ'աւելոցնէ



թէ «Աշխարհի մէջ երեք մարդ կայ, որոնց գրպանը միշտ ծակ պէտք է մնայ. Սովորած—Ազիզ, Գրիգոր աղայ եւ Խրիմեան Հայրիկ»... Եւ ով կարող է հերքել, թէ այդ քան տարի առաջ արտօսասանած խօսքը յաւիտենական չէր:

Բայց այնքան մեծ երկիր է Թիւրքիան եւ այնքան բազմաթիւ Հայրիկին դիմոց տառապեալները, որ նրա ուժիկը մի կաթիլ ջուր պէտք լինէր ծովի մէջ: Այդ պատճառով նա ծանր շղթայ է գրել իր Հայրական անսահման հեղինակութեամբ շատ մեծահարուստ մարդոց վրայ ու վարժեցուցել նրանց կարեկցութեան, մարդասիրութեան ու զոհողութեան: Ուստի պէտք եղած ժամանակ, Հայրիկը պատուիրում է նրանց փող ցրուել Հարկաւոր տեղեր կամ ինքն է անում այդ, կորզելով նրանդ փայլուն, զընդզընդան ոսկիները: Սակայն գաւառացիք չափազանց ժամատ ու գձձի են եւ Հայրիկը խորշում է լալիան Հարուստներից: Նրա պատրաստած բարերարների մեծ մասը Պօլսումն են:

Նրանցից շատերը չեն էլ սպասում Հայրիկի դիմումին. նրանք գիտեն Հայրիկի անդաւաճան անձնուրացութիւնը, ճանաչում են նրա ծակ գր պանը եւ եւ իրենք են բերում, դնում նրա ոտի տակ: Նրանք ոչ միայն փող, այլ իրենց կեանքը չեն ինայի Խրիմեանի համար:

Նրա այդպիսի բարեկամներից մէկն էր, ընթերցող, Գրիգոր էֆէնդի Օդեանը, որ 'ի Տէր փոխեցաւ երկու ամիս առաջ Փարիզում եւ որի անունը յիշելիս՝ Հայրիկը պիտի փղըձկայ մինչեւ վերջին շունչ: Այդ հանգուցեալը, ընթերցող, Հայրիկի աշակերտներիցն էր, բարձր պաշտօնեայ թիւրք Կառավարութեան եւ մինը Տաճկահայոց «Սահմանադրութեան» հիմնողներից: Օդեան էֆէնդին իր Հայրենասիրութեամբ, ազ-նըլութեամբ, անձնուրացութեամբ եւ անզուգական հանձարով ոչ միայն թագն ու պսակն է Պօլսեցիների, այլ պարծանք համայն Հայութեան: Հայ ազգը քիչ է արտադրել այդ-

պիսի անձնաւորութիւններ եւ ես համոզուած եմ, որ նրա մահով Խրիմեանի կեանքից մի քանի տարի կտրուեցաւ: Ըսթերցող, ազօթենք Օդեանի հոգու համար...

¶.

Դժբաղդաբար շատ քիչ է պատահում, որ Հայրիկը մերժէ իր աջակցութիւնը որեւէ անարժան խնդրողին: Այդ է պատճառը, որ նրա թշնամիները այնքան դատափետում են խեղճին: Բացի այդ, նա խոստանում է աշխատել ու օգնել ամենքին, առանց հաշուելու իր ժամանակն ու կարողութիւնը: Ի՞նչ անէ Հայրիկը. մի կողմից իր սիրտն է տանջուում մարդոց տառապանքները տեսնելիս ու արգելում նրան այդ հաշիներն անել, միւս կողմից՝ թշուառներին անպատճառ օգնելը դարձել է նրա համար մի անբեկանելի սոլորութիւն, մի երկրորդ բնաւորութիւն: «Զէ» խօսքը շատ գժուարութեամբ է գուրս գալիս նրա բերանից եւ նա, կարծես մեքենայաբար, անպատճառ «այս» է արտասանում:

Հայրիկի այդ յատկութեան վրայ խօսելիս, մի ծերունի յիշեցուց ինձ Վանայ մէջ, հետեւեալ քրդական առակը: «Մարդու մէկը, ասաց նա, մի օր ձի է տանում բազար ծախելու: Յաճախորդները շարունակ բաց են անում նրա բերանը, որ ատամներից իմանան թէ քանի տարեկան է: Մէկ ժամուայ մէջ այնքան բաց—խուփ են անում զօռով խեղճանասունի բերանը, որ նա ձանձրանում է այդ բանից եւ երբ տեսնում է միւշտարուն, ինքն է շտապում առաջուց բերանը բանալ ու գէմ տալ նրանց:»

Սակայն ներիք, ընթերցող, ծերունու բերած անհամեստ համեմատութեան. առակն անխոտելի է:

Այդ ծայրահեղ բարութեան ու պատրաստականութեան

Հետեւանքը լինում է երբեմն այն, որ Հայրիկի գործերը ճապաղում են, մոտառնջութիւնն աւելանում ու տուած խոստումները մասսամբ չ'իրագործում:

Իսկ այդքանը բաւական է լինում նրա բամբարասէր հակառակորդներին՝ պնդելու համար թէ Խրիմեանը անգործունեայ է, ֆլոն է, բեսվան է...

Փ.

Հայրիկը մասնաւոր գորով ունի կանանց ու երեխաների համար. երկու թոյլ, ճնշեալ տարրեր Տաճկահայաստանում, որ դարձնում են իրենց վրայ զգայուն օտարականի խիստ կարեկցութիւնը: Թէ առանձին խօսակցութեան մէջ, թէ քարոզներում, թէ գրուածներում եւ թէ տնային այցելութիւններում՝ նա բոլոր ուժով բողոքում, գութ է զարթեցնում ամուսինների ու հայրերի մէջ՝ գէպի կանայքն ու զաւակները:

Հայրիկի այդ ծնօղական գգուանքն ու վիշտը լաւ յայտնի է կանանցն ու երեխաներին ու նա պաշտուում է հաւասարապէս երկուսիցն էլ:

Երբ այցելում է մի տուն, նա բնաւ իր բարձր գիրքի հակառակ չէ գտնում գիրկն առնել տան մանկիկներին ու փայփայել նրանց: Տեսնում են այդ նրանց երջանիկ ծնողները ու փառք տալիս Աստծուն...

Ընդունուած չէ առհասարակ, որ Տաճկահայոց գաւառացի կանայքը խօսին տղամարդոց հետ: Բայց Հայրիկը, իր այցելութեանց միջոցին, կանչել է տալիս տան պառաւներին կամ «մեծ հարս»-ներին, խրատում է նրանց, միխթարում ու օրհնում: Ոչ մի տղամարդ չէ կարող Հայրիկի ներկայութեամբ վատաբանել իր կնոջ. նա գոյցում է իսկոյն նրա բերանը եւ գիտաւոր մեղաւորը նրան համարում...

Երբ մէկ տան մէջ ամուսնացած եղբայրներից մինը մեռնի, Հայրիկը բացէ ի բաց պատուիրում է նրա եղբայրներին՝ կրկնապատկել իրենց յարգանքն ու խնամքը գէպի այրի հարսը: Վայ նրան, ով չի կատարի այդ. Հայրիկը այլեւս կրդժուարանայ մտնել նրանց տուն:

Սյու է պատճառը, որ այրի կանայք միշտ ազօթող են Հայրիկի երկարակեցութեան:

Երբ մի տեղ Հայրիկի ներկայութեամբ հրապարակական հանդէս կայ, կանանց պատիւն աւելանում է եւ նրանք իրաւոնք ունին տեղ ունենալ նստելու:

VII Մի անգամ Վանայ օրիորդական գպրոցում մրցանակաբաշխութեան հանդէս կար: Հայրիկը հեռաւոր գիւղումն էր եւ յոյս ըլ կար նրա հասնելուն:

Հարիւրից աւելի մարդ ու պատանի տեղ էին բռնել նըստարանների վրայ, իսկ յիսունի չափ կանայք կանգնած էին նրանց յետեւ, ոտքին: Հանդէսի կէսին յանկարծ Հայրիկին հասաւ... Ամենքը ոտքի ելան ու Խրիմեանը բազմեցաւ իր բաղկաթոռի վրայ: Մէկ բոսէից յետոյ նա նկատեց հարստահարեալ կանանց. մելամազձոտ մնայլը ծածկեց իր գուարթ գէմքին ու արտասանեց. «Ամէն մարդ այստեղ տեղ է գտնել, միայն կանայք բանի տեղ չեն գրուել...»: Եւ նստարանների կէսը գատարկուեցաւ խալոյն մարդիկներից...

Հայրիկը Վասպրւականի գիւղացոց (եւ ամէն տեղի) միխթարիչ ոգին է: Նա պտտում է գիւղեր եւ օրերով ապրում նրանց մէջ: Շատ քիչ գիւղացի կայ, որ Հայրիկի չափ կարեկից ու քաջալերիչ տեսած լինի իր կեանքում:

Փ.

Հայրիկն շատ է մտատանջում՝ գաւառացոց տարագրութիւնը, պանդխոռութիւնը, նրանց Պօլիս եւ այլուր թափառելը։ Անկարելի է յետ կանգնեցնել Տաճկահայերին այդ մարդակուլ հոսանքից։ Ժողովուրդը ճնշուած է ու պարտքի տակ։ Նա հաւատում է կոյր բաղտին եւ յուսահատութիւնը ստիպում է նրան հետեւիլ իր բնազդումներին։

Պօլիս եղած ժամանակ Հայրիկը նոցա միակ միսիթարիկ, պաշտպանն ու հոգածու հայրն է։ Նրանք միշտ հաւաքուած են Հայրիկի շուրջ եւ նա նրանց գետնափոր բոյները գերադասում է Բիւզանդիոնի մեծաշուք պայտաներին ու առանց զգլուելու ելումնուտ է անում այստեղ։ Երկար տարիներ այստեղ մնացողներին կամ դժբաղտ ու անգործ եղողներին նա վերադարձնում է, գրեթէ զօռով, իրենց հայրենիք։ Ի հարկէ այդպիսիներին նա ինքն է տալիս նաւի եւ այլ ճանապարհածախսերը։ Այս բոպէիս, երբ գրում եմ սոյն տողերը, նա ունի կազմած Պօլսոյ մէջ փոքրիկ ընկերութեան պէս մի բան, որ իր դրամագլխով քշում, հեռացնում է այստեղից պանդխոռուներին։

Նատ սեւ պիտի լինէր նրանց կեանքը առանց Հայրիկի փրկարար ձեռքի։

ՓԱ.

Քանի որ իսօսքը պանդխոռութեան վրայ է այստեղ, թոյլ տուր ինձ, ընթերցող, կատարել այստեղ իմ մի մեծ պարտք։

Եթէ մի Ռուսաստանցի ուղէ գնալ Տաճկաստան, նա պէտք է գտնէ անպատճառ Հայրիկին։ Այլապէս մեծ դժուարութեանց կըհանդիպի նա, եթէ չ'ասենք կըկորչի…

Եթէ այդ ճանապարհորդի գրպանում «մկներ են միայն խաղում», — նա ոչ մի տեղ ընդունելութիւն չունի. ամէն դուռ գոյ է նրա առաջ։ Թող նա այնպէս չըկարծէ, թէ մեր վանքերում անաղարտ է պահուել նրանց հին, հոչակեալ հիւրասիրութիւնն ու օտարասիրութիւնը — երբէք եւ երբէք։ Թող նա գլուխիցն հանէ այդ «նախապաշարումը»։ Առանց փողի նա տնօղ չունի ոչ մի մենաստանում. վարդապետները մի խոժոռ հայեացք կընետեն վրան ու հետեւեալ օր յետ կ'ուղարկեն նրանց իրենց եկած ճանապարհով։ Այսպէս է սովորաբար ամբողջ Բիւզանդիայում եւ մանաւանգ Վասպուրականում։ Բայց առութիւնները շատ քիչ են ու պատահական։

Քեզ եմ հարցնում, ընթերցող, ինչ անէ այդ անփող, անոք ու անձանօթ թշուառականը…

— Թող նա գլուխնէ Հայրիկին, մտնէ Վարագ սուրբ վանքը, նա կարսղ է լինել այնտեղ ամենաերջանիկ ասպլնչականը։ Վարագը իր ամբողջ սարով ամենապահով ու միակ պատսպարանն է նրա համար։

— Հայրիկ, մէկ անժանօթ է եկել…

— Կանչիր այստեղ…

Լոկ Հայրիկի դէմքը տեսնելուն պէս, Ռուսաստանցին շունչ է առնում, գուշակում է թէ լաւ ապագայ կայ իրեն։ Այդպիսի քաղղր, հեղահամբոյր ժպիտ նա ուրիշ եկեղեցականի վրայ տեսած չէր։

— Էարի ես եկել, հանգիստ ես արգեօք, ո՞ր կողմիցն ես, ի՞նչպէս են հայրենակիցներդ, երկար ես ուզում այս կողմեր մնալ…

— Ահա թէ ինչ հարցեր է տալիս նա մէկը միամի յետեւ մեր նորեկին։ Եւ այդ՝ մի այնպիսի անուշութեամբ, մասնակցութեամբ ու կարօտով, որ նրա քաշած բոլոր նեղութիւններն ու անմարդասիրութիւնները օդն են ցնդում։

Անմիջապէս տրւում է նրան սենեակ, վառելիք, ուտեստ,

գլադարան ու ծառայ: Այլեւ մի ազնիւ խոստում գործելու ասպարէզ սոնեղծելու...

Դէ քէֆ արա, մեր Ուսաստանցի, դուքքան լինիս Հայրիկի սոտայ...

Այս, Խրիմեանը յարգում է Ուսաստանցիներին: Նա սիրում է, բոլոր հոգով սիրում՝ մեր էրիասարդների անկեղծութիւնը, եռանդը, խելքն ու անշահասիրութիւնը: Նա անձանձրոյժ, ժամերով զրուցատրում է նրանց հետ:

Ահա երկու օր է պանդովստը դուրս չէ գալիս իր խցից: Հայրիկի ականջն է ընկնում, թէ Ուսաստանցին մրսած է: Նա մտնում է հիւանդի խուց ու բժշկում նրան իր քաղցր խօսքերով:

Նրա դուրս գալուց յետոյ, ալյելութեան կարգը գալիս է նրա ծառային: Նա մտնում է հիւանդի մօտ մի ահազին տաք չայտանով, բաժակով ու շաքարով: Նա լցնում է բաժակը այդ օրհնեալ ջրից մէկը միւսի յետեւից ու մրսածին մատուցանում: Եւ մի գաւաթ չայը մեծ բան է պանդխոտի համար:

Ահա Հայրիկի ականջն ընկաւ, որ պանդովստը ճերմակեղէն չունի, կամ ունի եւ կեղտոտ է: — Խուցն է մտնում նորէն մեր ծանօթ ծառան. Նա մի բոխչայով դնում է քո առաջ երկու զոյգ շապիկ եւ շապկի-ընկեր: Տեսնում ես որ դրանք մի հսկայական մարդու հագուստ են, այս, Հայրիկինն են դրանք: Դու կարող ես երեք անգամ փաթեաթուիլ նրանց մէջ: Ընդունիր այդ նուերը: Մերժել չես կարող. կըստիպուիս զոռովիլ ընդունել: Բայց եթէ շատ լայն է, տուր վանքի գերձակին որ ձրիաբար շինէ քեզ համար եւ աւելորդ կտորներն էլ յետ տայ քեզ: Այդ կտորները պէտք կը գան կար կատան անելու... Զը կարծես թէ ծաճկաստանում կարող ես առանց կարկատանի ասլրել: Գիտես էլի, ծաճկաստան է, քո հօր տունը խօ չէ:

Այդ ամէնից յետոյ Հայրիկը հոչակումէ քո անունը ժողովրդում, պաշտպանում է քեզ խուժանի հալածմունքից, գտնում է պաշտօն ու ասպարէզ, եթէ դու մի բանի պէտք եկող մարդ ես: Խակ եթէ ուղրում ես վերադառնալ հայրենիքդ կամ գնալ ուրիշ կողմ, Հայրիկը չի խնայի տալ քեզ նաեւ ճանապարհածախս:

Մեծ ապերախտութիւն կը լինէր իմ կողմից, ընթերցող եթէ այստեղ ըրյայտնէիր որ ամբողջ եօթ ամիս վայելած եմ Հայրիկից Վարագում ամենայն բարիքներ, խոկ չորս տարի էլ ապրել եմ Վանում նրա բարձր հովանիի աակ: Ինձ պէս շատերն են հանդիպել այդ բազդի եւ դեռ եւս իմ օրով տասից աւելի Ուսաստանցի է մտել այնտեղ:

Այդ պատիւը, ընթերցող, նա արել է մեզ՝ ոչ իբրեւ մեր անարժան ու ապիկար անձանց՝ այլ անշուշտ յանուն եւ ՚ի յարգանս համայն Ուսասահայոց, որոնք շատ մեծ տեղ են բըռնում նրա սրտում: Մեզ պատուելով, նա պատուել է ամէնիդ: «Ինչ որ արել էք այս փոքրիկներից մէկին, — ասում է մեր Տէր Յիսուսը — այն ինձ էք արել:»

Յայտնենք ուրեմն սիրելի Հայրիկին մեր ջերմերախտագիտական զգացումները, մաղթենք նրան երկար օրեր ու յաջողութիւն իր բազմավաստակ գործերում:

ՓԲ.

Հայրիկը նեղ հայամոլ չէ: Նա վեր է բարձրացնում ամէն անկեալին. բաւական է որ նա մարդ լինի եւ արժանի կարեկցութեան: Թիւրքերի, քրդերի, ասորիների ու եզրդիների մէջ Հայրիկը մեծ համարում ունեցաւ մանաւանդ 1879—1880 թուի սովից յետոյ Վասպուրականում: Այդ ժողովուրդների մէջ առակի կարգն է անցել Խրիմեանի անարատ վարքն ու մար-

գասիրութիւնը եւ նրանք մեծ ակնածութեամբ են արտասահում այդ «Հայոց մեծ Կարաբաշ (փարզապետ), Կղիմեան Եփէնդու» անունը, ես գիտեմ ասորիք ու քրդեր, որք նրիմեանին աւելի բարձր են գասում իրենց Մար—Նմոնից ու Եջմնութից: Կառավարութեան կողմից Հայրիկին՝ ի պատիւ արտում է Վանում մի ոստիկան, բըրեւ թիւնապահ նրա յանախակի ճամփորդութեանց մէջ: Լոկ կառավարութեան վիրաւորանք ըլ պատճառելու համեր, նա համաձայնում է պահել իր մօտ այդ ոստիկանին եւ նաև ապահովում է մեծ մասամբ մէնակի: Նա երթէք աւառակներից չէ վախենում: Եւ սովորութիւն չունի պէտք բանեցնելու:

Քանի քանի անդամ սկսաւահել են նրան քիւրդ գոզերը շատ ամայի ու յետ ընկած նաև ապարհներում, բայց երթէք նրան ոչ զքի մատը գիշապահ չէ: Խրիմեանի մէկ վսեմ հայեացք՝ որպէս Նրիստոսի խաչ հալածում, խափանում՝ է այդ անպիտան աստշնմաներին: Եզել են մինչեւ խոլ գէպքեր, որ այդ մարդիկը վարժուած են եզել յատուկ նպատակով, բայց նրանց մասնմունքը միշտ ընդունայն է անցել...

Վերպիշեալ ոստիկանը Հայրիկի սրտին՝ ի մօտոյ ծանօթ պննդով, կառավարելապէս պաշտում է նրան: Նա դարձել է Հայրիկի ձեռքին մի հեղահամբոյր գառ: Վկաներ կան, որ այդ թիւքը ոստիկանը իր ազգակիցների մէջն իսկ խոստովանել է թէ «Խրիմեան Եփէնդու ոտի կեղտի հետ չեմ փռխի մեր բոլոր մոլաներն ու շեխերը»...

Քանի քանի մահմետականեր այդ մահայնող սովի նիւրաներից ազատուելով Հայրիկի բարերարութեամբ, լպտում էին նրա փէշերը ու քրիստոնէալթիւն ընդունել խոստանում: Հայրիկը չը համաձայնեցաւ: Նա մերժեց բոլորին, չուզեց առուսուր շինել իր մարդասիրութիւնից եւ հարստահարել թշուառներին իր բարերարութեամբ:

Հայրիկի ներկայութիւնը Վասպուրականում այդ սովի

տարին, ընթերցող, եթէ առեմ մի նախախնամական տնօրինութիւն էր, սխալուած չեմ զինի: Վասպուրականցոց կէտը պիտի կոտորուէր, եթէ այդ անձնուրաց ու անշահասէր մարդը այստեղ չը լինէր:

Մեր ուզարկած հազարաւոր բազմիների ու Պօլսեցոց լիրաների քառորդն իսկ չը պիտի ծառայէր իր նպատակին: Այդ փողերը պիտի զառնային «շան ու գէլի փայ»... Բայց էլլի կերան մեր փողերի մի մասը, էլլի Հայրիկի սովոր աչքից աներեւութացան բուբլիներ: Եւ քանիներ, որ պաշտօն էին ստանձնել խնամել ու հաց ցրուել սովալլաւներին՝ (մեր կամ Պօլսեցոց փողով, ի հարկէ) հարստացան, փարթամացան ու տներ շինեցին, ընթերցող: Բայց ասում եմ՝ Հայրիկն այնտեղ ըրինէր—«ամակդ երուսաղէմ»...

Այդ փողերը ծախսելուց զատ, Հայրիկը պատուիրել էր բոլոր հարուստներին չը գոցել իրենց դաները կարօտեալների առաջ, չը ինսայել մի մի պատառ հաց այդ խեղճերին: Բայց շատերը խարում էին նրան ու ականջախից լինում:

Մի անգամ նա փողոցով անցնելիս, տեսնում է սովեալների մի խումբ այդպիսներից մէկի գրան առաջ: Նրանք ծեծում են դուռը, բայց բայցանող չը կայ: Հայրիկը ինըում է ձիուց ու պատուիրում շարունակել ծեծելք: Քառորդ ժամից յետոյ տան տղամարդներից մէկը տեսնում է այդ դրան ծակից՝ ու դուռը բանում: «Թշուառական» — ասումէ նրան Հայրիկն ու մի փառաւոր ապտակ հասցնում...

ՓՊ.

Հայրիկի անջափ գորովը միայն մարդոյ վրայ չէ որ տարածում է: Նա մեն գութ ունի գէպի անսառները: Դեռ ուր էին այժմեան նորելուկ «Կենդանիներին հովանաւորող

Ընկերութիւն» — ները, երբ Հայրիկը իր բնական խելքով ու փափուկ սրտով հասկացել էր թէ մեծ անխղճութիւն է կենդանիներին չափից դուրս չարչարելը:

Հայրիկի տան եւ Վարագայ վանքի անասունները աշխարհի ամենաերջանիկ կենդանիներիցն են: Մի աւելորդ բեռ, մի ժամ սահմանից դուրս յոգնութիւն, մի մորակի խիստ հարուած՝ դեռ նրանք տեսած չեն:

Մի գիշեր վանքի ձիապահին յայտնեցի, որ միւս առաւոտ իմ հեծնելի ձին այս ինչ ժամին պատրաստ պահի, որ քաղաք իջնեմ: Նշանակեալ պահից փոքր ինչ առաջ ձիապահն ինձ յայտնեց, որ այդ օր անկարելի էր կենդանին ինձ տալ, զի վարդապետներից մէկը կանուխ առաւոտ մօտիկ գիւղն էր գնացել ու վերադարձել...

— Տնաւեր չ'եղած, — ասացի նրան — Շուշանից գիւղը գընալն ու գալը մի ժամ չէր տեսի, քո ձիոր բամբակիցն է, որ էլ քաղաք չ'երթայ...

— Վարժապետ, մեռնեմ քէ, — պատասխանեց նա — ես ձին չեմ խնայի, բայց Հայրիկը որ լի կը վոնդէ ինձ...

Ես խստութեամբ պահանջեցի որ ձին թամբէ: Երկար տատանումից յետոյ նա ասաց թէ «լաւ, շորերդ հագիր»: Ուրախութեամբ դուրս ընկայ սենեակից ու բարձրացայ վեր Հայրիկին մնաս բարեւ առելու:

Բայց ի՞նչ եմ տեսնում... Անպիտան ձիապանը նրա սենեակը ւմ... Հայրիկը մի դժգոհ հայեացք միայն ցոյց տուեց բարեւիս ու լոեց:

— Դու գնա, — դարձաւ ձիապանին Հայրիկը — վարժապետն էսօր այստեղ կը մնայ...

— Բայց Հայրիկ, — բողոքեցի ես — ձին Շուշանց է գնացել, Ստամբուլ խօ չէ գնացել...

— Դու գնա, — կրկնեց Հայրիկը ձիապանին...

Բայց քեզ պէտք է իմանալ, ընթերցող, աւելին: Հայրի-

կը անկարող է ներկայ գտնուել անասաւների մորթելուն... Մինչեւ անգամ, երբ նա տեսնում է, որ մի տեղ հաւ են մորթում, իսկոյն երեսը շուռ է տալիս...

Մօտ քսան տարի առաջ Հայրիկը Մշոյ Առաջնորդ ու Ակարապետի վանահայր էր: Անկարգ ու տգէտ վարդապետները ահագին խուզութիւն էին հանել նրա դէմ: Հայրիկապաշտ երիտասարդները մի կենդանի գայլ էին ըռնել ու կապկապած ձգել նրա առաջ: — «Հայրիկ, ասել են նրանք, թոյլ տուր մեզ բռնել, կապուտել բռլոր թշնամիներիդ ու դնել այսպէս ոտիդ տակ»... Հայրիկը՝ ի խոհեմութիւն է հըրաւիրում այդ տաք — գլուխ կտրիչներին: — «Խոկ այս գայլը — աւելացնում է նա — մեղք է այսպէս կաշկանդել, թողէք որ խեղճը ազատութիւն վայելէ, թողէք որ Հայրիկի խաթրու տարին մի ոչխար յափշտակէ ձեզանից»...

Սյու ծայրահեղ գումին ու զգայականութիւնը Հայրիկի մէջ մտել է կարծես իր մօր կաթի հետ ու պնդացել, երկաթացել է այնտեղ:

Նա ինքը փախչում է հաւի արիւնից, բայց ամենեւին հակառակ չէ, որ կողոպտուած գիւղացիք մորթեն քիւրդ աւազակներին...

ԺՊ.

Իր անյիշաչարութեամբ, երկայնամոռութեամբ ու անսահման ներողամոռութեամբ Հայրիկը մի կատարեալ մարմնացում է Աւետարանի:

Որքան ուզես բամբասիր, զրպատիր, յանցոնք դործիր նրա դէմ, անկարող կը լինես հրափրել նրա ատելութիւնը, զայրոյթը քո վրայ: Ա տեւ բառը Հայրիկին անծանօթ է, զայրանալը՝ անբնական: Տասը տարի որ նստես նրա մօտ խօ-

սելու, չես կարող մի բառ կորզել նրանից իր միս ուստողների, գրպարտողների ու ամեն տեսակ թշնամիների դէմ: Հայրիկը մի ականջով լսում է այդ ամէնը եւ միւսից խկոյն գործ թողնում: Զարմանալի մոռացկոտ է նա այդ բանի մէջ:

Եւ չէ ախորդում լսել քննանից որեւէ քննադատութիւն իր թշնամիների վրայ: Նրա գժգոհ դէմքը հրաւէր է կարգում քեզ փոխել անմիջապէս խօսակցութեան նիւժդ ու անցնել աւելի կարեւոր բաներին:

Ոչ միայն խօսքով, այլեւ ոչ մի գործով նա չէ արտայայտում այդ. անկարելի բան է, որ Հայրիկը պատժէ, իրէժառնէ երբեկոց իր հակառակորդներից:

Դրա հակառակ, նա պատրաստ է ամէն բարութիւն անել իրեն ատողներին: — «Հարութիւն արէք ձեզ ատողներին», «Ենթեցէք յանցաւրդներին» եօթ անդամ եօթանասուն եւ եօթանդամ — պատուիրում է մեզ Քրիստոսը. եւ Հայրիկը այլապէս չէ հասկանում «լինել քրիստոնեայ», բայց եթէ մինչեւ վերջին տառը կատարելով Աւետարանի բոլոր խօսքերը:

Այդպիսով «Ճայն բարբառոյ յանապատի» են մնում իր դէմ հանուած բոլոր անխորոժ գոռիւնները եւ նա շարունակում է ապրել իր խաղաղ, անվրդով կեանքով...

Բայց ցաւալին այս է, որ նա տարածում է յաճախ իր այդ անսպառ բարութիւնն ու ներողամոռութիւնը նաեւ հասարակական գործնրի դէմ մեղանցողների վրայ:

— Ահա ազգային ժողովները հաստատում են, որ այս ինչ վարդապետը գողացել, կողոպտել է իրեն յանձնուած վանքի կարողութիւնը: Նրանից պահանջում են գողօնը ու սպառնում յանձնել դատարանին...

— Աղամ (մարդ), վարդապետն ով, հաշիւ պահանջեն ով, — թողէք կորչի այստեղից այդ թշուառականը...

Դատապարտեալ նրա ոտն է ընկնում ու փառք տալիս Աստծուն...

— Ահա մի քահանայ, մի ուսուցիչ, մի եղեափախան, մի հոգեւորական, մի ամուսին, մի զաւակ...

Բայրին էլ թողովթիւն է շնորհում Հայրիկը եւ ցաւեցնում այդպիսով շատ անդամ իր բարեկամներին: Վատ մարդոց պատժելու համար նա բաւական է համարում իր դըժգոհ դէմքն ու կարճ յանդիմանութիւնը:

Քրիստոնէական ներողամոռութիւնը շատ գոյնելի բան է, ընթերցող, բայց ինչ անես, որ էս անտէր աշխարհում միշտ գործ չէ տեսնում Աւետարանը, այլ պէտք է լինում նոյնպէս փոքրինչ ջարդուել յար մարդկանց թեւերը...

Բայց Հայրիկը փորձել է երբեմն պատժել այնուիսի մարդոց, որոնք իրենց բարձր գիրքով կարող էին ամփի մեծ վնասներ տալ Ժողովրդին ու եկեղեցուն: Այդպիսիներից մէկն էր Ախթամարայ Խաչատուք կաթողիկոսը, որ բունի բազմել էր այդ հետեւալ Աթոռի վրայ, առաջուց սպանել տալով իր նախորդին:

ԺԵ.

Զարմանալի համեստ ու անփառասէր է Հայրիկը:

Երբ մի մեծ Արքեպիսկոպոս, մի Պատրիարք, մի աշխարհառչակ նրիմեան Հայրիկ՝ զիջանում է անփառի ու սիրով խօսակցիլ ամէն մի աղքատ, գիւղացի ու մշակ մարդու հետ եւ շատ անդամ էլ ինքն այցելութիւն աափիս նոցա գծուն խրճիթներին, — կարելի է մի գաղափար կազմել խօնարհութիւն ու համեստութիւն կոչուած բառերի վրայ: Իր այդ պարզութեան ու «ռամկանութեան» համար Հայրիկը ընկել է շատ փառամոլ, անժողովրդառէր ու քարաօիրու մեծապատիւ ազաների ու էֆէնդիների աչքից:

Ի հարկէ Հայրիկը միշտ Հայրիկ է եղել եւ նա անում

Եր այդ նաեւ իր պատրիարքութեան միջոցին։ Պատահումէր որ մի վսեմափայլ հայ ամիրայ կանգնեցնում էր Պատրիարքարանի առաջ իր շքեղ կառքը։ — «Ի՞նչ յարգելի ամիրաներ ու էֆէնդիներ կան հիմայ սրբազն Պատրիարքի մօտ» — հարցնում էր նա դրան սպասաւորին։ Եւ երբ պատասխան էր ընդունում թէ «Հայրիկը շրջապատռած է գաւառացի պանդուխտուով ու Պօլսեցի ջահելջուհուլսերով» — «Է! donc!», — արտասանում էր վսեմափայլն արհամարհանքով ու քիմքը վեր բարձրացնում։ — «Փշիր», — հրամայում էր նա կառապանին ու գրգռացնում իր կալեսական դէպի «վսեմամեծափառ» քէյերի ապարանքները։

Համեստութիւն է փայլում Հայրիկի դէմքի, շարժմունքների եւ ամբողջ խօսակցութեան մէջ։ Նա ըս գիտէ ծաղրել, արհամարհել, բարձրից նայել՝ նոյնիսկ ամենաշնչին մարդու վրայ։

Նրա խօսակցութեան մէջ երբէք չես կարող գտնել մի բառ, որ ակնարկում լինէր իր փառաւոր անցեալը, հոյակապ գործերը, մեծամեծ բարերարութիւններն եւ այլն եւ այլն։ Եթէ տառ տարի խօսացնես նրան, առանց ինքդ տեղեկութիւն ունենալու նրա անցեալ մեծագործութիւններից, շատ սովորական մարդոց մէկը պիտի համարես նրան։ Մինչեռ մենք տեսնում ենք եպիսկոպոսներ, մանաւանդ Տաճկաստանի եպիսկոպոսներ, որք մի տեղ նստած ժամանակ իրենց բան ու գործ են շինում՝ մի միայն իրենց անցեալ, ֆլան ու ֆստան գործերի փառաբանութիւնները։ Իսկ նրիմեանը գիտէ, որ Աւետարանն արգելում է իր սպասաւորների ծայրահեղ անձնագովութիւնը։

Խոնարհամիտ ու համեստ մարդը չէ կարող երբէք փառասէր կամ, աւելի ճիշտն ասած, փառամոլ լինել։ Երբէք Խրիմեանը չէ վազել փառքի յետեւից, այլ փառքը միշտ ինքը եկել, գտել է նրան։

ՓԶ.

Ընթերցող, չը գիտեմ ունեցել ես դու առիթ ներկայ լինելու մեծ մարդոց կատակներին։ Չը գիտեմ ի՞նչու արդեօք յատովկ է այդ մարդոց անքան անոյշ կատակներ անելը։

Հայրիկը իր կատակներով ու սրամութեամբ չէ ուզում երբէք ուկնդիրների ուշքը զօռով դէպի ինքը գրաւելու ու նրանց ծափահարութեանց արժանանալու։ Նա անում է այդ՝ քմծիծաղ, բայց պարզութեամբ ու ամենայն վեհութեամբ։

Ահա լիիր նրա հազարաւոր կատակներից մի քանիսը։

— Վերոյիշեալ Վանայ սովի ժամանակ քանի մի խամքիւրդեր յոյս չեն ունենում Հայրիկից մի օգնութիւն ստանալու։ Նրանք պատրաստում են մի խնդրագիր, որի մէջ խոստովանում են քրիստոնէութեան ծշմարտութիւնը ու կամքյայտնում կրօնափոխ լինելու։ Խոկ իրենց գլխաւոր ակնկալութեան մասին ամենեւին բան չեն յիշատակում։ — «Նատ լաւ, պատասխանում է նրանց Հայրիկը, բայց հիմայ գործ ունենք, երբ որ սովը վերջանայ՝ այն ժամանակ եկէք... Հիմայ մեր կարասի ներկը չէ բանում»...

— Լուր տարածուեցաւ թէ Խրիմեանը կաթողիկոսական ընտրելիններից մէկն է նշանակուել։ Վանցիք գունդագունդ թափուեցան նրան շնորհաւորելու։ Եկողներից մէկն էր նոյնպէս մի քրանտ քահանայ՝ նորաձեւ, փառաւոր գլխարկով։ — «Ճօ, թշշուական՝ դարձաւ դէպի նա Հայրիկը՝ պալատական քահանայ ես դարձել դու» — «Չէ, Հայրիկ՝ պատասխանեց տէրտէրը՝ Վեհարանի քահանայ պիտի դառնում»։ — «Ի հարկէ, վրայ բերաւ Հայրիկը — մի մի Մանկունի անպակաս պիտի լինի անտեղից»...

— Նոյն միջոցին մտաւ նրա մօտ վարժապետների մի խումբ։ Նրանցից մէկը մի ճռճռան ճառ կարդաց նրա համար։ — «Գիտեմ, վարժապետներ — պատասխանեց նրանց Հայ-

բիկը—գիտեմ ձեր ուրախութեան պատճառը. եթէ Աստուած յաջողի ինձ էջմիածին գնալ՝ միտք ունիմ մի անկելանոց հիմնել ծոյլ վարժապետաց համար»...

— Նոյն միջոցները նա քարոզ խօսելով եկեղեցում, 'ի մէջ այլոց արտասանեց. «Ես համոզուած եմ, Վանցիք, որ ձեզմէ շատերը, որոնք աղօթուամ են Խրիմեանի կաթողիկոսութեան համար, արդէն հանգստակութեան թղթեր են պատրաստած խեղճ Ուուսաստանցիներից ըօլ փող դուրս գջելու համար»...

— Սովորական բան է շատ ժուիկների համար Խրիմեանի «Եղբօրորդի», «Քրոջորդի», «Եղբօրաներ», «Եղբօրորդու աներձագ» եւ ես ի՞նչ գիտեմ՝ հազար տեսակ օյխնքաղ տիտղոսներ ընդունելով, զանազան հարուատներից նրա անունով պարտքեր վերցնելու։ Այդպիսի օյխնքազներից մէկը Խրիմեանի Պոլիս եղած ժամանակ մի վաճառականից հարիւր մանէթ փող է անուշ անում ու աներեւութանում։ Վաճառականը տեղեկանում է, որ նա Երուսաղէմ է գնացել։ «Հայրիկ, — դիմում է նրան վաճառականը — Սրբազնութիւնդ մի Եղբօրորդի ունէիր, ուր է նա հիմայ։» — «Ես «Եղբօրորդի» շատ ունիմ, որ մէկն է այդ։» — «Ֆլան վարդապետը, որ ձեզ մօտ յաճախ ելուսուտ ունէր։» — «Հա... քանի ոսկի է պարտ» — համկանում է իսկոյն Հայրիկը ու տալիս 100 մանէթ, առանց գաղտնիքը բանալու։ «Բաղդաւոր ես, որ իմ լաւ «Եղբօրորդուս» ես պատահել — աւելացնում է նա ծիծաղելով — թէ չէ եթէ ուրիշներին հանդիպէիր, պէտք է մնանկացնէիր Խրիմեանին»...

— Պօլախ խմբագիրներից մէկը աննպաստ բաներ էր գըրում իր լրագրում Խրիմեանի դէմ։ Խրիմեանն էլ այնտեղ էր։ Մէկ օր նա հրաւիրուած է լինում մի մեծ իննոյք. այնտեղ է մտնում նաեւ իրեւ հիւր այդ երիտասարդ խմբագիրը ու մօտենում Հայրիկի աջն առնելու։ Հայրիկը փառաւոր կերպով քաշքում է նրա ականջը։ «Հայրիկ, կը յաւի կոր» — բղա-

ւում է պ. խմբագիրը։ «Թշուառական, պատասխանում է ծիծաղելով Հայրիկը, այնքան պէտք է քաշեմ, որ իշի ականջ դառնայ»...

— Հայրիկը շատ է ցաւում եւրոպական կրօնների ծաւալման համար հայոց մէջ։ Բայց նա անկելքութիւն է համարում հալածել ու հայհոյել նրանց։ Նա գիտէ, որ նրանց քարոզիչների յաջողութիւնը կախուած է մեր հոգեւորականների ասլիկարութիւնից ու հասկացող հայերի անտարբերութիւնից։ Այդ միսինարները ամբողջ Թիւքիայում յարգումու սիրում են մեր եկեղեցականներից միմիան Խրիմեանին ու հանգուցեալ ներսէս Պատրիարքին։ Եւ այդ ոչ միայն նրանց ներողամնութեան, այլ ընտիր ընտիր բարեմասնութեանց համար։ Խրիմեանը թոյլ է տալիս իրեն միայն սրամիս կատակներ անել երբեմն նրանց հետ։ «Պօլտօր — ասում է նա ամերիկացի քարոզչն — հետաքրքիր է իմանալ, թէ ով էր օսլայում մեր Առաքեալների (Քրիստոնի աշակերտների) շապիկները»... Կամ «Պատուելի, արգեօք ի՞նչ գոյնի ֆրակ էին հագնում նրանք»... Կամ «Արգեօք ո՞ր Ընկերութիւնիցն էին ստանում նրանք իրենց ոռնիկները»... Եւ նա արտասանում է այդ սրամիսութիւնները այնպիսի մի վեհ ու քաղցր հեգնութեամբ, որ մեր զպլտուած ու կոկուած միահօնարները կարմրում են ամօթխածութիւնից ու գլուխը կախում համեստութեամբ։

Բայց Հայրիկի մանր մունք կատակներին սահման չըկայ։ Կատակի ձեւով նա սովորութիւն ունի նաեւ փառաւոր ապտակներ հասցնել զանազան չարաձմի մարդոց... Քիչ է պատահում, որ նա չը համեմէ իր ամեն մի խօսակցութիւնը շնորհալի սրամութիւններով։

Եւ լողը ոչ թէ անհամեստանում, երես է առնում նրանցից, այլ ամենայն ակնածութեամբ զարմանում է նրա հանճարի վրայ։

ԺԵ.

Եթէ Խրիմեանը Տաճկաստամի առաջինքարողից չէ, գէթ ամենալաւերից մէկն է։ Բայց նա ունի քարոզչական այնպիսի յատկութիւններ էլ, որ թերեւա ամբողջ աշխարհում շատ քիչ մարդ ունենայ։

Հայրիկը չէ քարոզում այն արհեստական, չոր ու ցամաք, անհանգիստ, խրոխտ կամ երկըոտ եղանակով, որ մենք սովոր ենք առ հասարակ տեսնել։ Հայրիկը ամեն բանի մէջ Հայրիկ է։ Քարոզելիս նա չէ փոխւում մազաշափ։ Նոյն քաղցր—մեխամաղձու ժպիտը, նոյն արդար ու հանգիստ սիրտը, նոյն մոտախոհ ու վեմ աչքերը, նոյն անուշ, մարդասէր ու լողի սիրտը ծակող ձայնը….

Նրա քարոզը ոչնչով չէ տարբերում իր մասնաւոր խօսակցութիւնից, բայց Աստուծոյ տաճարը եւ խուռն ամբոխի լարուած ուշադրութիւնը տալիս են նրա խօսքերին աւելի ու աւելի վեհութիւն։

Նա քիչ է խօսում կրօնի ու Աստուածաբանութեան բարձր, գժուարամարս նիւթերի վրայ։ Նրա բոլոր խօսքերը հիմնուած են Աւետարանի պատուէրների ու Քրիստոսի վարքի վրայ։ Այդ հիմունքներով նա ապացուցանում է իր ժողովրդի բոլոր զեղծումները։ Նա հանդէս է բերում վաճառականի, վաշխառուի, ազգային ու պետական պաշտօնեայի, ընտանիքի հօր, որդեւուէր մօր եւ այլոց անզուսպ ու անարդար արարուունքները։ Նկարագրում է հարստահարեալ քաղաքացիների ու ճնշեալ գիւղացիների դառն դառն տանջանքները։ Նա նիւթ է վերցնում վերջապէս՝ տղիսութեան, անխոդութեան ու մարդկային կրքերի ամէն տեսակ զոհերից, խելք ու օրինաւորութիւն է սովորցնում տկարամիտներին, գթութիւն ու կարելցութիւն է հայցում քարամիրտներից, ամուքում, մխիթարում է թշուառներին։

Նա քարոզում է սովորաբար նստած, բայց յաճախ վեր է թուցում իր տեղից եւ աջ ձեռքը դէպի վեր տանելով՝ Երկնիքի արդարադատութիւնն է յիշեցնում։

Քարոզելիս նա յաճախ բացականցում է. «Ժողովուրդ Հայոց, ձեր արածները հակառակ են բանականութեան», «Ժողովուրդ Հայոց, չը կարծէք թէ Խրիմեանը չէ իմանում, թէ ինչ է կատարում ձեր տները», «Ո՛չ, մեղք է ձեր Հայրիկ», «Այս, ժողովուրդ, մինչեւ երբ պիտի ողբամ քո տգիտութիւնը»... Եւ այդ տալիս է նրա խօսքերին մի զգայուն արտայայտութիւն։

Ոչ մի քարոզ նա չէ տանում կատարեալ միօրինակութեամբ. թախիծն ու զուարթութիւնը, լացն ու ուրախութիւնը յաջորդում են իրար փոփոխակի։

Երբ նա ազգու ու սեւ գոյներով մերկացնում է ամբոխի առաջ այդ «թշուառութիւն» կոչուած մարդկային նախատինքը, — մի մույլ վարագոյր ծածկում է ամէնքի դէմքերը, հառաջանք ու հեծկըլտանք է լաւում ամէն անկիւնից։ Երբ նա ժպտում, ոգեւորուում է մարդկային առաքինութիւններից, — զուարթուն հրեշտակը կարծես լոյս է աալիս ամէնքի երեսներին։ Խոկ երբ նա սրամուութեամբ, առակով ու կատակով հեգնում է անմիտ ու անգութ մարդոց արարքներն, — մի ուժգին ծիծաղ թնդացնում է եկեղեցու պատերը։ Մինչեւ խոկ շատերը, որոնց ականջին լաւ չէ հասնում հեռուից բեմբասացի մեղմանոյշ ձայնը՝ տիրում ու ծիծաղում են, լոկ նրա դէմքը նշմարելով...

Համաձայն ես, ընթերցող, որ աննման է Հայրիկի քարոզը իր տեսակի մէջ։

Այդ է պատճառը, որ նրա քարոզած միջոցին եկեղեցում ասեղ գցելու տեղ չէ լինում եւ մարդոց շունչն է կըտրում։ Բաւական է որ Վանում, Պօլսում կամ այլուր, լուր տարածուի, թէ Խրիմեանը քարոզելու է այս ինչ տեղ. բոլոր

Եկեղեցիները դատարկում են եւ մինչեւ իսկ հեռաւոր գիւղերից գալիս են նրան ունինդրելու։ Տաճկաստանում քարտզն ու Պատարագը առաւտներն են լինում եւ շատ ծոյեր նախորդ գիշերը լատկապէո սովորականից կանուխ են պարկում, որ քը գրկուին այդ անզուգական բեմբասացութիւնից։

ՓՂ.

Խրիմեան Հայրիկ եւ ոսումնասիրութիւն՝ երկու անբաժան բաներ են, ընթերցող։

Առանց մի ուսումնարան մտնելու, նա անքան է առաջացել իր մոռաւոր զարգացման մէջ, որ այսօր համարւում է նա մեր առաջնակարգ հրապարակախօսներից, հեղինակներից ու մատենագիրներից մէկը։ Եւ շատ բանի մէջ նա գեռ ամէնիցն էլ բարձր է։

Մեզ օրինակ նրա Վասպուրականի Արծուին, Հրաւիրակ Արարատեանը, Երկիրն Աւետեացը, Խաչի ճառը, Գրախտի ընտանիքը, Սիրաքեւ Սամուէլը, Մարգարիտ արքայսւթեանը, Վանգոյժն ու Հայ գյժը։

Այդ գրքերի ոճը թռթուում է, գրաւիչ ու տպաւորիչ, որպէս Խրիմեան Հայրիկ, խրախող ու վերանորոգող, որպէս Աւետարան։

Նրանք մեծ սիրով են կարգացւում ամէն տեղ եւ միայն կարգացողները կարող են նրանց համն իմանալ։ Տաճկաստանի ընտանիքներում մեծ ընդունելութիւն է գտել մանաւանդ Թրախտի ընտանիքը եւ մինչեւ այսօր էլ Վանցիք աղջիկ պսակելիս՝ այդ գրքի մի օրինակը նրա օժիտի հետ փեսանց տունն են ուղարկում։

Եւ յիրաւի, ինչ այնքան թանկագին օժիտ քան մի «Թը-

րախտի ընտանիք»։ Եւ քանի սրտառուց է նկարագրում այդ գիրքը մեր նորապակներին մի երկրաւոր դրախտի, բարեկազմ հայ ընտանիքի, բոլոր վայելչութիւնները...։

Քառասուն տարի է, որ գրում է Խրիմեան եւ գեռ էլի չէ ձգում նա այդ մարգարտաշար գրեցը իր ձեռքից։

Հայրիկը մեծ միհիթարին է վարժապետների։ Ուսուցութիւնը առհասարակ ընկած է Տաճկաստանում եւ վարժապետները չեն զանազանուում շատ անգամ աղաների ծառայից։ Հայրիկի պէս եկեղեցական միայն կարող է բարձրացնել նըրանց գիրքը այդ տգէտ ժողովրդի առաջ։ Եւ նա անում է այդ իր բոլոր կարողութեամբ։ Նրա ներկայութեամբ այնքան հեշտ չէ խաղալ թշուառ վարժապետի պատուի հետ։ Հայրիկը միշտ ամոքում է նրանց լքեալ սրտերը, այցելում է սիրով նրանց դասերին, խրախուառում ու օրհնում է նոցա։ Եւ նրա օրհնութիւնը շատ կազմուրիչ է բեկեալ սրտերի համար։

Նա մանաւոր ուշադրութիւն է դարձնում մանաւանդ օրիորդաց գլուխների բարգաւաճման վրայ եւ շատ դժուարութեանց հանդիպում ամբոխի նախապաշարումը ջարգելիս։

Խրիմեանը առաջինն եղաւ որ 1856-ին տպարան հիմնեց Թիւրքիայի խորքերում, Վարագայ վանքում եւ որի մի մասը նա յետոյ ս. Կարապետ էլ տեղափոխեց։ Այդ տպարանը եւ նրա հետ հիմնած գրադարանն ու «Ժառանգաւորաց դպրոցը» մինչեւ օրս էլ կանգուն են Վարագայ սարի վրայ։

Դժբաղդաբար Խրիմեանը ըստիտէ ոչ մի եւրոպական լեզու։ Նա հմուտ է հայերէնին եւ գիտէ խօսել Թիւրքերէն։

ՓԹ.

Առարձին ուշադրութեան արժանի է Խրիմեանի մասնաւոր կեանքը։

Վանում եղած ժամանակ, նա իր օրերի կէսը անց է կացնում Վարագում: Պէտք է ասած, որ Տաճկաստանի վանքերի սովորական կերակուրները կաթնեղէն են միայն: Կան վանքեր, որոնց մէջ ամիսներով մսի համ չեն տեսնում: Այդպիսին է նաեւ Վարագը: Այդտեղ տարին երեք կամ չորս անգամ մի մի ոչխար են մորթում: Ուտիսին այդտեղի միաբանութեան միակ կերակուրն է թան ապուրը: Կաթի առատութեան ժամանակ երեմն տրումէ նրանց նաեւ մածոն, կաթ ու սէր: Պասին նրանք ուտում են բակլայ, ֆասուլիա, թթուած կաղամթի ապուր եւ խաշած բանջարեղէններ: Բայց պասին ամէն օր կերակուր չէ եփում եւ պէտք է լինում բաւականանալ մի միայն ցամաք հացով... Այդպէս են կերակրում վանքի վարդապետներից սկսած մինչեւյետին մշակն ու հովիւր: Այդպէս է կերակրում միշտ նաեւ Խրիմեան Հայրիկը, այդ նախկին Պատրիարքն ու աշխարհահռչակ մարդը... Բայց պէտք է ասել աւելին. Հայրիկը չէ ախորժում պատուան վնասակար կերակրուներից եւ նախադասումէ ցամաք հացով միայն կշտանալ: Խոկ գալով ուտիսին—արդէն Հայրիկի համար չը կայ աշխարհի մէջ այնքան համեղ կերակուր, ինչպէս թան ապուրը: Եւ նրա ունեցած բարեկամութիւնը այդ թանապուրի հետ արդէն առածի կարգն է անցել ամէն տեղ, մանաւանդ այն օրից, երբ նա 1879 թուականին, Պատրիարքութիւնից հրաժարուելու առիթով, հրապարակապէս արտասանեց. «Գնա, Արծիւդ Վասպուրականի, քո սիրեցեալ Վարագը. անդ պատրաստ է թանապուր եւ գրիշ մը քո երկերիդ համար»...

Քաղաքում Հայրիկն ունի իր պատենական տունը, այն տեղը, ուր նա առաջին անգամ՝ լոյս աշխարհ է տեսել եւ ուր այժմ բնակում են նրա եղբօրորդիքը իրենց ընտանիքներով*):

*) 2ը գիտեմ ի՞նչ տեղիցն են իմացել մեր Կովկասի Հայերը

Այնտեղ էլ տիրապետում է վերին աստիճանի պարզութիւն ու սակաւապետութիւն:

Միեւնոյն ժամանակ նա շատ քչակեր է եւ հազուագիւտ բան է, որ նրա հետ ճաշողները կարողանան նրա չափ ուտելով կշտանալ: Նոյն պարզութիւնը նա ցոյց է տալիս նաեւ խնձոյքներում: Նա չէ մերձենում բոլոր կերակուրներին եւ հաւանածներից մի մի պատառ է միայն վերցնում: Մսեղէն կերակրուների հետ նա թոյլ է աալիս իրեն ըմբել նաեւ գինի, բայց ոչ երբէք աւելի քան մէկ կամ երկու գաւաթի: Թանապուրից յետոյ նա սիրում է նոյնպէս թէյը եւ կանոնաւորապէս գործ է գնում օրն երկու անգամ, որ սովորական չէ Տաճկաստանում:

Ցերեկուան աղատ ժամերին նա զբաղւում է կարդարով ու գրելով: Մեծ արժէք է տալիս ուուսահայ գրականութեան եւ մեր գրողներին գրական, խելացի ու ծանրակշիռ է անուանում: Ծրագի տակ երբէք չէ պարապում եւ աւելի Թիրում է գիշերները կանուխ պարկել ու աղօթրանին զարթնել: Բայց լաւ խօսակիցների համար նա չէ ինայում նաեւ գիշերային ժամեր:

Հայրիկը հագնում է էժանագին եւ ամենապարզ շորեր: Մինչեւ որ հագուստը խոնանալ ըլ սկսէ, նա նորը չի կորել տայ, բայց բանն այն է, որ անթիւ կարօտեալները չեն թոյլ տալիս, որ նա մի քիչ մաշէ իր շորերը... Երբ նրա մօտ մի աղքատ, կորտուած փարաջայով քահանայ մտնի, նա իսկոյն իր լայն փարաջան կը հագցնէ նրան: Այսպէս է լինում նրա

և նրանց հետ Գերմանացի պ. Արթուր Լայստը, թէ Հայրիկը Ալիւր գիւղումն է ծնուած: Հայրիկենց տունը Վանում գարաւոր շնութիւն է. «Խրիմցենք» կամ «Կրիմցենք» կոչուեցան նրա պապերը՝ իրենց առետրական գործերով յաձախ Խրիմ երթեւեկելու պատճառով:

բոլոր հագուստին հետ, ակսած փարաջից մինչեւ վերջին գուշան... Եւ որչափ նա աշխատում է մի մի զոյդ աւելի հագուստ պահել—չէ լինում ու չէ լինում...

Եւ մինչ նրա բարեկամները յոգնում են նրա համար շուրեր կտրել տալով, նա ինքը չէ յոգնում ու ուժիներին նույիրելով...

Հայրիկը լաւ ձիավարժ է: Կառք գործածելը Տաճկաստանում ուղորական չէ եւ նա իր բոլոր ճանապարհորդութիւնները ձիով է կատարում:

Իբրև ընկեր, զրուցակից ու խօսակից—արդէն աննման է Հայրիկը, ինչպէս ամէն ընթերցող էլ կարող է այդ մակաբերել:

ի.

Խրիմեանը ոչ նուազ նշանակութիւն ունի կոստանդնուպօլսում քան գաւառներում: Եթէ ուսմկութիւնը գնահատում է նրա սիրոց, լուսաւորեալ դասը աւելի եւս յարգում է ինը բան՝ նրա մոտաւոր զարգացման, իմաստութեան ու ազատամտութեան համար: Նոյն իսկ նրա ատենախօսութիւնն ու քարոզը մեծ արժէք ունի նրանց աչքում, թէեւ Բիւզանդիոնը արդէն ինքնըստինքեան ճարտարախօսութեան հայրենիքն է...

Եւ նա մեծ նշանակութիւն է ունեցել այստեղ ոչ միայն իր պատրիարքութեան օրով, այլ ամէն ժամանտի, երբ նա ասպել է այնտեղ: Բաւական է որ նա Սեւ ծովից մտնէ Կ. Պօրի նեղուցը, —արդէն Պօլսեցիք կիսով չափ պիտի մոռանան իրենց միւս եկեղեցականների գոյութիւնը: Եւ հին խօսք է թէ «Յերեւին արեգական կորնչին աստեղք»:

Առանց Հայրիկի ներկայութեան անհամ է անց կենում ամէն հանդէս, լինի այդ ուսումնական, հարսանեկան թէ եկեղեցական: Նա այդ բոլոր հանդէսների լուսաւորող ջահն է՝

իր վերմ ու պատկառելի դէմքով, վեհիմաստ մտքերով ու անմոռանալի խօսքերով:

Գաւառներում սով, հրդեհ եւ այլ դժբաղդ արկածներ են պատահում եւ պէտք է լինում ի մարդասիրութիւն հրավիրել ամբողջ հայութիւնը: Եւ տիեզերական հրաւերը ուղարկում է ամէն տեղ, բայց ոչ Թիվքիոյ Հայոց գլուխ—Պատրիարքից այլ մի անպաշտօն Խրիմեան Հայրիկից: Որպէսէտեւ նրա ձայնը աւելի ազդաւ, նրա անունը ամենավախէլին է:

Նրան շատ է սիրում մանաւանդ ուսեալ երիտասարդութիւնը եւ նրա գրդամբ ու խրախոյսով շատ գըքեր ու գըրուածներ են լոյս տեսնում այնտեղ: Նա միշտ մի զեկավարող ու ոգեւորիչ այժ է եղել հասկացող ու ազնիւ պօլսեցիների համար:

Եւրոպային անծանօթ չէ Հայրիկի անունը եւ նա մեծ համարում ունի այնտեղ: 1878-ի ճամբորդութեան միջոցին նա այցելեց Վեննա, Հռոմ, Լոնդոն, Փարիզ ու Բերլին: Նա ամէն տեղ խիստ լաւ տպաւորութիւն թողեց իր լուրջ դատողութեամբ, հայրենասիրութեամբ ու վեհանձնութեամբ:

իԱ.

Այդ ամէնը, ընթերցող, ինչ որ լսեցիր այստեղ Խրիմեան Հայրիկի ժողովրդականութեան ու բնաւորութեան մասին,— ոչ հեքիաթ է եւ ոչ առասպել, այլ զուտ ծշմարտութիւն եւ մի միայն ծշմարտութիւն: Բերած փաստերիս ու տեղեկութիւններիս մեծ մասը տեսած եմ ի մ եր կ ու ա չ ք ո վ, իսկ փոքրամասնութիւնը լսած ի մ եր կ ու ա կ ա ն ջ ո վ՝ ամենահաստատ աղբիւրներից: Այս, Խրիմեանը դարու ամենաժողովրդական մարդերից մէկն է: Խրիմեանը միեւնոյն ժամանակ դարու ամենամեծ հայրենասէրներից մէկն է: Այդ

բանին կը վկայէ ամէն մարդ, որ տեսել է նրան բուն ժողովրդի մէջ: Խրիմեան Հայրիկ եւ ժողովուրդ՝ այնպիսի մի բաղադրեալ գանգուած է, որը լուծելու, քակելու համար անզօր պիտի լինին աշխարհի բոլոր քիմիկուները, իրենց հանճարով ու գործիքներով: Խրիմեան Հայրիկ՝ առանց ժողովրդի եւ ժողովուրդ՝ առանց Խրիմեան Հայրիկի—անհասկանալի է ինձ:

Ա.Հ. թէ ինչ էր ասում նա ինքը հաղաւաւոր վանցիների առաջ, վերջին անգամ Պօլիս գնալիս.—«ժողովուրդ հայց, էգուց հեռանում եմ այստեղից...» Թողնում եմ սիրելի հայրենիք, ինձ կեանք տուող ժողովուրդ եւ իմ աննման Վարագս, որտեղ քան եւ եօթ երկար տարիներում մի բոյն էի շինել ինձ համար՝ իմ այս մատներովս... Բայց մի կարծիր, ժողովուրդ հայց, թէ Խրիմեանը գնաց ու մոռացաւ ամէնքիդ... Այն օրից, երբ 1820 թուին Խրիմեանը մկրտուեցաւ այս սուրբ աւազանում (ցոյց տուեց ձեռքով իր մկրտուած տեղը), մի տախտակ շինուեցաւ նրա սրտի վրայ ու «ժողովուրդ» բառը գրուեցաւ... Քանի որ շունչս բերանում է, ոչ ոք չէ կարող եղծել այդ բառը այնտեղից... Դուք էլ մի եղծէք, ժողովուրդ հայց, Հայրիկի անոնը ձեր սրտից... Յիշեցէք ձեր աղօթքների մէջ Խրիմեան Հայրիկին... Խօսք եմ տալիս, ուր որ լինիմ՝ թէ Մասեաց ստորոտ եւ թէ ինւզանդիոն՝ մէկ օր էլ չ' անցկացնել առանց իմ հայրենիքը յիշելու... Իսկ երբ Խրիմեանը աւանդէ իր հոգին օտարութեան մէջ,—նրա անբռնաբարելի կտակը պիտի լինի՝ իր ոսկերոտին Վասպուրական փոխադրել, Վարագայ խաչաքարերում, իր հայրենիքի ծոցում, ամփոփել»...

ին.

Խօսք վերջացնելուց առաջ թոյլ տուր ինձ, ընթերցող, պատմել քեզ եւ մի երազ, որ տեսել եմ Վանում ճիշտ սրանից երեք ու կէս տարի առաջ:

Մի երեկոյ Հայրիկի հետ միասին Վարագից իջանք քաղաք ու մտանք իրենց տուն։ Զայ խմեցինք եւ ես պատրաստաւմ էի դուրս գնալ, այցելել իմ բարեկամներին։ Բայց անձրեւն սկսեց եւ ես մտածեցի որ Հայրիկը կարող է հիւրեր չունենալ ու ձանձրանալ մենակութիւնից։ Մնացի։

Մօտ երեք ժամերկար երկար խօսում էինք Տաճկահայոց գործերի եւ այլ նիւթերի վրայ։ Հայրիկը իր մտերիմների հետ փոքր ինչ աւելի է բացում եւ ես զմայլում էի նրա դատողութիւնների ու տենչերի վրայ։ Վերջապէս ընթրեցինք ու պառկեցանք, դիմացէ դիմաց գրուած երկու մահճականների վրայ։ Նրա առանձնասենեակում մէկ մահճակալ աւելի է պահում Վարագայ միաբանների եւ ուսուցիչների համար, բայց երբ դրանց թիւը շատ է լինում, մի մասը յատակի վրայ են տեղաւորում։ Ի հարկէ, երբ Հայրիկը բացակայ լինի այնտեղից, նրա մահճական էլ ընդհանուրի սեպհականութիւն է...

Երկար ժամանակ մի կողքից միւսի վրայ ընկնելով, չարչարուում էի։ Անվերջ մոտածումներս Խրիմեանի անցեալի, ներկայի եւ ապագայի մասին չէին թողնում աչքս կպցնել։ Երբեմն լսում էի դրան ճըռճըռոց, նրա բաց ու խուսի անելը, բայց այդ այլեւս իմ ուշադրութիւնս չէր գրաւում։ տան կատուն միշտ ազատ էր այնտեղ ելումուտ անելու։ Բայց յիշում եմ, երբ նոր գնացած ժամանակս այդպիսի մի ճըռճըռոց էր լսում, մազերս փշաքաղուում էին ու սարսուռ անցնում մարմնիս մէջ,—«Ճէր Աստուած, մոտածում էի ես, ինչ պէտք է անենք որ մի գող, մի աւազակ մտնի ու ձեռք տայ այդ ամենաթանկագին անձնաւորութեան, մի ամբողջ աշխարհի Հայ-

րիկին. Ի՞նչ անխել քովթիւն է տան դուռը բաց թողնել ու քնել, երբ այդ սենեակը բոլորովին առանձնացած է միանելից։ Բայց ես շուտով հասկացայ, որ անխելքն ես եմ եւ վաթսուն տարուց աւել, որ որ Խրիմեանը գլուխը բարձի վրայ է դրել, երբեք մտքովը չէ անցուցել, թէ մէկը կը դիպացի իրեն..»

Վերջապէս, չը գիտեմ ինչպէս եղաւ, որ քունս տարել էր։ Վանայ, մէջ ամբողջ մի ամիս հիւանդ պառկած էի։ Մի սեւ կրծքացաւ մահուան դուռն էր ձգել ինձ, ուժից բոլորովին ընկել էի։ Արեան սակաւութիւնից աչքիս լոյսը գրեթէ կրրել էր եւ անկարող էի մի բան կարդալ։ Վերջին շաբաթցաւս սաստկացել էր եւ բժիշկն արգելած էր հիւրերիս յաճախակի երթեւեկութիւնը։ Հայրիկն օտարութեան մէջ էր։ Բարեկամներս ասում էին, թէ նա յաճախ բարեւներ է ուղարկում ինձ ու ցաւում տիսրութեանս համար։ Մի անգամ էլ մի նամակ դրին ձեռքս, իբր թէ Հայրիկից, ինձ ուղարկուած։ Ես կարդալ չէի կարող, բովանդակութիւնը պատմեցին ինձ ուրիշները եւ ես նամակը երկար ժամանակ ձեռքիս մէջ ճիւելով, դրի բարձիս տակ։

Առաւոտ էր։ Ինձ տիրել էր մի անախորժ թմրութիւն եւ չէի կարողանում աչքերս բանալ։ Նատ կարելի է զառանցանքի մէջն էի։

Բայց գլուխս բարձի վրայ չէր մնում, կարծես մուրճով ծեծում էին նրան։ Նարունակ գլուխս վեր բարձրացնում, էլի յետ էի գցում ու յանկարծ անկողնիս մէջ նստում։

— Ի՞նչ է, բալաս, ի՞նչու հանգիստ չես պարկում..»

— Սյո ի՞նչ է, — ասացի ես բացի ձայնով այդ պառավն — տանիքի վրայ, սենեակի տակ, փողոցում՝ ահագին գլուղոց են հանում։ — տունս են ուզում քանդել թէ պատերազմ է, քրդերն եկել են մեղ կողոպտելու...»

Պառաւը պատասխան չը տուեց։ Երեսս շուռ տուի գէ-

պի նա ու աչքերս բորբոքուեցան բարկութիւնից։ Եւ ի՞նչ եմ տեմնում... պառաւը սոսկալի կերպով լաց է լինում...»

— Պառկի՞ր, մեռնեմ ջանիդ, բան չը կայ, քեզ է էղ-պէս երեւում...»

Անպիտանը այնպիսի մի կարեկցութեամբ արտասանեց այդ բառերը, որ ես հաւատացի ու յետ ընկայ բարձիս վրայ յուսահատ, անիծելով իմ սեւ օրերը։

Ելի ձայներ, դղրդիւն, ձիաների խրինջիւն, ոստիկանների գոռում — գոյին, տանիքի վրայ կանանց վրլիրլոց...»

«Չէ, ես այդքան յիմար չեմ», — մոտածեցի ես ու սկսեցի ուշադրութիւնս լարել... Տը՝ նկ, տը՝ նկ, տը՝ նկ... լսում եմ մի քանի եկեղեցիների զանկերի ծանր, մելամաղձոտ զօղանջիւնը. այդ մեռելի համար է, պառաւս ինձ խարել չէ կարող։

Նորէն նստայ անկողնիս մէջ։

— Թառիկ խաթուն, — ասացի եօ պառաւին, — այս բոպէիս կարապետ վարժապետին պիտի գտնես, բերես այստես...»

Նա սկսեց կմկմալ։ — Նուտ — պոռացի ես։ — Նա էլի նայում էր ինձ տատանման մէջ։ — Նուտ — ճըշացի ես սարսափելի կերպով ու նա դարս գնաց արտասուելով։

Տաս բոպէից յետոյ եկաւ ուզած մարդս։ Ըստ երեւութիւն, նա շատ անհանգիստ էր երեւում։ Երկար ու բարակ օյնքազութիւններից յետոյ, նա ստիպուեցաւ վերջապէս արտասանել։

— Հայ, ըրի... կը...»

— Աստուած տունդ չը քանդի, ճըշացի ես ու ընկայ արձճի պէս բարձիս վրայ։

Էլ չեմ իմանում ինչ պատահեցաւ ինձ, բայց երբ աչքո բացի, ահագին բազմութիւն գտայ սենեակիս մէջ եւ բժիշկը համրում էր երակիս զարկերը։ Երեւում էր, որ ես ուշաթափ էի եղած։ Պահանջեցի անպատճառ հաղորդել ինձ բոլոր եղելութիւնը։ Բժիշկը խոստում առեց ի՞նձանից՝ լսել ամէն բան

կատարեալ ամստարբերութեամբ:

Գործից երեւեցաւ, որ դժբաղդութիւնը պատահած էր երկու շաբաթ առաջ, օտարութեան մէջ եւ կտուկի համաձայն «ոսկերուտին», Վարագ պիտի տանուէր: Դիակը եկեղեցուց դուրս էին բերել եւ մեծ հանդէսով Վարագ էին տեղափոխում:

— Խսկոյն ձիս պատրաստեցէք — հրամայեցի ես:

Ընդիմութիւն, աղաջանք, պարատանք՝ անկարելի եղաւ: Բժիշկն համաձայնեցաւ եւ ես ձի հեծայ շրջապատռած իմ ընկեր — թիկնապահներով:

Տէր Աստուած, վողոցներում ասեղ ձգելու տեղ չը կայ, բոլոր տանիքները ծածկուել են հազարաւոր կանանց ու երեխաների տակ. ձիաւորներ, կառքեր, թիւքք ոստիկաններ, աստիճանաւորներ, սպաներ — ամբողջ աշխարհն այստեղ է: Սեւ հագուստ, թախիծով խեղդուած դէմքեր, աղիողորմ հեծկըլտանք — տեսնւում ու լսում են ամէն տեղ: Դուրս եկանք փողոցներից դէպի դաշտ: Աստուած իմ, դեռ նոր եմ տեսնում, որ ճիշտ ամբողջ աշխարհն այստեղ է. Էլ դաշտ, էլ արտ, էլ բլուր, էլ Վարագայ սարի լայնաշղթայ — ամէն տեղ մարդիկ ու մարդոց գլխներ. մի ոտաջափ դատարկ տեղ չը կայ:

Վերջապէս, հաղար վայ ու վագլախով հասանք Վարագայ խաչաքարերին: Ի յարդանս իմ մասնաւոր դրութեան, ինձ տեղ տուին դամբարանի մօտ: Դիակը ցինկի դագաղի մէջն էր եւ ես չէի կարող հանգուցեալի դէմքը տեանել: Երկար արարողութիւններից յետոյ մի քանի վարդապետներ ու եալիսկոպոսներ դամբանականներ խօսեցին: Ճանապարհի անհամագութիւնից ես գրեթէ ոչինչ չէի լսում, ականչներս խլացել էին: Նուռ էի գալիս երբեմն դէպի ծովլ — ժողովուրդը եւ ինչ տեսնում: Տաճկաստանի եւ Ոռոսաստանի ամէն կողմերից յուղարկաւորներ ու շքեղ հագնուած պատգամանորներ,

որոնց բերած պակները երկու արշին բարձրութիւն էին կազմել ցինկի գագաղի վրայ:

Ամէնից վերջ մի բարձր տեղից ճառ էր կարդում մի կովկասցի կրակոտ երիտասարդ: Նրա դէմքը ինձ ծանօթ էր երեւում, բայց լաւ չէի յիշում թէ ով էր դա: Երեւում էր, որ նա շատ ազգու էր խօսում, որպէսէտեւ նրա խօսած ժամանակ բոլոր ժողովուրդը հինգ տարեկան տղայի պէս մըրմուում ու հեկեկում էր: Բրդի շորը յետ քաշեցի ականջներից ու բոլոր ուժովս աշխատեցի քանի մի բառ լսել: Ինձ յաջողեցաւ միայն այսցափին համանալ թէ «Խրիմեան Հայրիկը կենդանի ապացոյց է, թէ Գրիգոր Լուսաւորիչն, Մեծն Ներսէու, Մեսրոպ Մաշտոցը, Սահակ Պարթեւն ու Ներսէս Աշտարակեցին երեւակայեալ անձնաւորութիւններ չեն, այլ հայ ազգի հարազատ ու բնական որդիք»... «Բայց դժբաղդաբար շատ տասնեակ տարիներ ու դարեր են պէտք լինսում, որ Խրիմեաններ առաջ գան»... «Ո՞հայ կին, ի՞նչու չես պարծենում աշխարհի առաջ, որ քո օրհնեալ արդանդից Հայրիկներ ես դուքս հանում»...

Ոեռ էլի շատ բաներ ասաց կրակոտ երիասարդը, բայց ես չը կարողացայ լսել կամ լսե միտս պահել: Գլուխս կախեցի ու խորասուզուեցայ մոքերիս մէջ: Կարծես այն ամէնը, ինչ որ կատարւում էր իմ շուրջս, այեւս չէր սթափեցնում ինձ: Յանկարծ մի աշադին գոռիւն — գոյշին, յուսահատ ճիշեր ատիպեցին ինձ գլուխս վեր բարձրացնել... «Ա՞խ, անգութիւններ, դագաղը փոսն են իջեցնում» — արտասանեցի ես ու ընկայ ուշաթափի՝ ընկերներիս բազուկների վրայ:

Զը գիտեմ էլի գուռն էր ճրոճրուցել թէ կատուն էր երես չանգրանել — բայց ես յանկարծ զարթեցայ: Մօտ մէկ բոպէ ես էլի սպանուած էի իմ վշտերով ու կարծում էի ինձ Վարագայ խաչաքարերում... Բայց քիչ քիչ աջքերս բացի, յորս կողման նայեցի եւ, ով ապաւթիւն, ես Հայրիկի տումն եմ եւ

ահա նա ինքն էլ իր խաղաղ, անմեղ քնի մէջ...

Սնկողնից իջայ ու մօտեցայ մահճակալին... Սարսուռ անցաւ մարմնիս մէջ ու յիշեցի մի ակնթարթում Վիկոր Հիւգօյի գող ժան—Վալժանին, որ գնացել էր դիտելու քնած «Բիշնլրնիւ»-ին: Այստեղ էլ լուսինը լուսաւորում էր մեր մեծ «Բիշնլրնիւ»-ի հեզ դէմքը եւ ես զմայլում ու ուրախավթեամբ լուսում էի նրա շնչառութիւնը...

Երեսիս խաչ համեցի, փառք տուի Աստծուն ու նորէն պառկեցայ իմ տեղ: Դնաց պահանջու մարծու ընդ ու որդի պահանջու ինձ բանախու մասու մասի առջրաւ:

ԻՓ:

Էլի հանգիստ չը մնացի ես, Էլի խառն ի խուռն երազներ ման էին ածում ինձ անորոշ աեղեղի ու անորոշ ժամանակների մէջ:

—Ահա ես անց եմ կենում մի փողոցով: Ի՞նչ փողոց է եւ ո՞ր քաղաքում—չեմ կարող որոշել: Յանկարծ կանգնեցայ մէկ մեծ արձանի առաջ: Դա ներկայացնում էր Վասպուրականի տարազով հագնուած մի գեղեցիկ երիտասարդին, մի կապ թել ու մըքուքներ բռնած ձեռքում:

—Այս ո՞րտեղ ենք մենք,—հարցուցի ընկերոջս:

—Վանում, աս Հայրիկենց թաղն է...

—Դա ներկայացնում է Խրիմեանին երիտասարդ հասակում: Երբ նա մեր հմուտ կ տաւագործների ո մէկն էր: Այդ արձանը կանգնեցին քսան տարի առաջ Վանցի կտաւագործները: Ասում են, որ ճիշտ այստեղ նա թել էր պատրաստում իր գործելիք կտաւի համար:

—Ես էլ մի ժամանակ Վան եմ եղած,—ասացի ես ընկերոջ—բայց ինքը Խրիմեանը ինձ պատմում էր, թէ նա թելերը իրենց տան առաջ էր պատրաստում...

—Դէ այս էլ իր տունն է էլի—ցոյց տռւեց նա ձեռքով երկու քայլ հեռու գտնուող շինովթենը: Ես իսկոյն ճանաչեցի այդ տունը եւ շատ զարմուցայ, որ մինչ Վանայ բոլոր տները փոխուել ու շքեղացել էին: Նա նորէն մնում էր իր հին վիճակի մէջ: Աչքս ընկաւ յանկարծ՝ տան գլխին կտած մի խոշոր վերտառութիւն, ոտիկի գրերով: Աչքս լաւ չէր կտրում: բաւականին ծերացել էի: Ակնոցս հանեցի ու կարդացի: «19.գ գարու մեծ հայրենասէր Խրիմեան Հայրիկի ծննդավայր»:

—Ահա անցնում եմ մի ուրիշ կողմ, կանգնում եմ Վանայ Առաջնորդարանի առաջ: Տեմնում եմ մի վիթխարի եպիսկոպոսի արձան... Օ՛ այս Խրիմեան Հայրիկն է, նրա պատկերը ես չեմ կարող մռանալ: Արձանի պատուանդանի վրայ գրուած էր. «Մկրտիչ Արքեպիսկոպոս Խրիմեան, վեհիմաստ Առաջնորդ Վասպուրականի եւ Հայրիկ Հայրենիւտց»:

Ահա Վարագումն եմ: Ցոյց են տալիս ինձ նրա խաչաքարերում մի պարզ ու վսեմ արձան: Երեք քերոքէներ դիպցնում են արձանին իրենց թեւերը: Արձանի տակ գրուած է. «Ստ հանգչի ամձնուէր Վանահայր եւ վերանորոգիչ եղբայրանոցին Վարագայ» Մկրտիչ վարդ. Խրիմեան: «Ֆերոքէների թեւերի վրայ կարդում եմ: «Ճողովուրդ, Հայրենիք, Իմաստութիւն»:

—Ահա մի մեծ ծափի առաջն եմ: Մի նեղ փողոցում տեսնում եմ մի արձան: Նա ներկայացնում է մի երիտասարդ կօշկարին, ձեռքում բռնած իր գործիքները:

—Ո՞ր ենք այս,—հարցնում եմ ուղեկցիս:

—Կ. Պօլիս: Այս արձանը ներկայացնում է մեր նախկին Պատրիարք Խրիմեան եպիսկոպոսին իր կ օ շ կ ա ր եղած ժամանակ: Նա առաջ այստեղ երկու տարի կօշկարառութիւն է արել: Արձանը շինել են տուել մեր կօշկարները: Պատուանդանի վրայ գրոշմուած էր. «Պօլոյ կօշկարներից—իրենց արհեստակից Խրիմեանին»:

— Ահա ինձ տարան հայոց Պատրիարքարանի առաջ...
Օ՛չ, այս ինչ հիանալի արձաններ են... երկուսն էլ ճանա-
զում եմ, արժէր դրանց այդպէս դիմացէ դիմաց կանգնեց-
նել: Մէկի պատուանդանի վրայ. «Հանձարեղ հովիւ—ներ-
սէս Պատրիարք Վարդապետեան», միւսի՝ «Մարդասէր եւ հայ-
րենասէր Պատրիարք հայոց—Խրիստոն Մկրտիչ, «Հայրիկ»
վերածայնեալ»:

ևառ չեմ յիշում թէ էլի ինչ աշխարհներ անցայ, բայց
այդ արձաններին թիւ ու սահման չը կար: Նրանց տեսնե-
լիս, շփում էի սպիտակ մօրուքս, խորասուզում հին մոքերիս
մէջ ու դուքս բերում նախկին, մաշուած տպաւրութիւններու:
Թերեւս դեռ շատ պիտի մտածէի, եթէ մի ձայն չը զար-
թեցնէր ինձ: Աչքերս բացի ու տեսայ իմ վաղածանօթ մի
տիկնոջ. Հայրիկի եղբօրորդու ամուսինն էր այդ:

— Ե՛լ, պ. Փիրումեանց, ել... Սա խօ Վարագ չէ, որ
այդքան քնանաս...

Գլուխս ուղղեցի դէպի ձայն Եկած կողմ ու տեսայ... իմ
սիրելի Հայրիկին:

Մի ոգեւորուած ժպիտով դիտեցի նրա դէմքն ու երես
խաչակնքեցի:

Մի վախեցիր, ընթերցող, ուու միայն յաջողութիւն մազ-
թիր Խրիմեանին: Նա այսօր, իր վաթսուն ու եօթ տարեկան
հասակում, դեռ էլի մի կայտառ, ժիր ու առողջ երիտասարդ է:



ՊԵՏՐՈՎԻ ՀԱՆՐԱՊԵՏՈՒԹՅՈՒՆ 1887 թ.
ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ 7/11. 1922
Մ. ԱՅՐԻ

4617

2013

«Ազգային գրադարան»



NL0031477

